

# *THUTHUWEDZO*



Tendani fhedzi, tendani fhedzi,  
Zwithu zwēthe zwi a konadzea, tendani fhedzi;  
Tendani fhedzi, tendani fhedzi,  
Zwithu zwēthe zwi a konadzea, tendani fhedzi.

Kha ri kotamise zwifhātuwo zwashu.

<sup>2</sup> Khotsi ashu wa Tādulu, ri a U livhuwa nga ulu luimbo, u tenda fhedzi! Itanu vhona Murena washu musi A tshi ḏa kha mutukana we a vha e na tshifikhole, ha pfi, “Ndi a kona, arali ni tshi tenda, ngauri zwithu zwēthe zwi a konadzea kha avho vha no tenda.” Murena, thusa u sa tenda hashu madekwana a ɬamusi, ndi thabelo yashu. Ri a livhuwa nga maanda kha Iwe u itela Vhuhone Hau na rine, na vhathu vha no U tenda nahone vha U funa. Huno u divha zwino, hu si uri ri do vha nga u ralo, fhedzi zwino ro takulelwa n̄tha kha mafhethu a Tādulu kha Kristo Yesu, ro dzula tsini na Khosi yashu madekwana a ɬamusi, ro no dzula vhuimoni Nae. Oo, nga ndila ine ra U livhuwa kha ili fulufhelo line ra vha na lo Khae, Pfulufhedziso dzawe, ri tshi divha uri a zwi nga kundelwi na khathihi, zwauri tshifhinga tshōthe ndi ngoho. Ri rabela uri U do vha na rine madekwana a ɬamusi. Ngavhe Muya Mukhethwa u tshi dzhia Ipfi la Mudzimu huno wa Li khethekanya mbiluni dzashu sa zwine ra ṭoda, uri musi ri tshi ɬuwa madekwana a ɬamusi, ri tshi ya mahayani ashu, ri nga amba na avho vha bvaho Emausi vhuñwe vhusiku, a ri, “Naa mbilu dzashu a dzo ngo swa ngomu hashu musi A tshi amba na rine ndilani?” Ngauri ri zwi humbela Dzinani la Yesu. Amen.

<sup>3</sup> Ni nga dzula. Ndo takala nga maanda u vhuya murahu hafhu madekwana a ɬamusi, u amba na inwi huno ra vha na vhuñama na inwi, kha zwithu zwi re zwa Kristo. Iyo a si inwe ndivho ine ra vha nayo ya u vha fhano, fhedzi u ita hezwo, ri tou vha na vhuñama kha Ipfi Lawe.

<sup>4</sup> Ndi humbela pfarelo ndi ni fareledza vhusiku vhuñwe na vhuñwe. Muñwe o mmbudza, a ri, “Vhathu vha ya hayani hafha nga hafu u bva kha awara ya malo kana nga iri ya vhuñha n̄tha ha tshithoma, u bva tshividzoni.” Fhedzi ndi—ndi tou vha wa tshipembe, nahone ndi a ongolowa, ni a divha. Huno ndi nga si humbule ngazwo nga u ṭavhanya. Ndi tea u tou dzhia tshifhinga tshanga khazwo.

<sup>5</sup> Fhedzi ndi liyhuwa zwi hulu tshumisano yavhuđi ine nda—uri ndi bva kha vhoinwi vhathu ngomu heneffo, vhane na khou tenda kha Mudzimu. Tshumisano yanu—yanu yavhuđi i zwi ita uri zwi leluwe nga maanda, na inwi—vho, uri Muya Mukhethwa u tshimbile vhukati ha vhathu. Ndi tama ndo vha ndi tshi nga wana hezwi huñwe na huñwe, ndi—ndi a ita, hune ni nga kona

u wana vhathu vhane vha tenda. A hu londwi zwine Mudzimu a ita, uri U do imela tshifhiwa zwingafhani, ni tea u zwi tenda, ni a vhona, ngauri a zwi na maanda nn̄dani ha musi ni tshi zwi tenda.

<sup>6</sup> Yesu nga tshiñwe tshifhinga, a tshi bva kha linwe shango, o dzhena kha Vhawe Ene muñe. Huno vha ri, “Ro zwi pfa uri Wo ita zwikenenene fhethu ho raloho,” fhedzi zwenezwo O vha a sa koni u ita mishumo minzhi ya maanda. Zwino a ri takaleli u zwi amba nga iyo ndila, fhedzi ndi nga ndila ine Luñwalo lwa zwi amba ngayo, uri A kone u ita . . . “O vha a nga si ite mishumo minzhi ya maanda, nga nñhani ha u sa tenda havho.”

<sup>7</sup> Huno maanda a Mudzimu a shuma u ya nga lutendo Khawo. Ni a vhona? Ndi tshone tshikalo tshine a vha nao, ndi lutendo lwañu. Huno arali . . . Zwithu zweþhe zwi a konadzea kha avho vha no do li tenda. Ni a vhona? Hu na Mudzimu muhulu ngei Taðulu, huno arali ra nga tou dzhena kha u kwamana, vhunga mutalo wo livhaho Khae, zwithu zweþhe zwi a konadzea. Ni a vhona? Fhedzi ri teya u ña kha vhukwamani Nae, hu si na tshithivheli huñwe fhethu, u tou vha khagala vhukati hashu na Mudzimu. Zwenezwo A ri, “Arali na amba na iyi thavha, ‘sudzuluwa,’ huno ni sa timatime mbiluni yañu, fhedzi na tenda uri zwe na amba.” Zwino, ni nga si zwi fhure. Sathane ha fhurei zwe leluwa, ngauralo ni nga si zwi fhure. Fhedzi musi ni tshi zwi ñivha zwa vhukuma, zwenezwo zwi tea u bvelela, ni a vhona, zwi tou bvelela.

<sup>8</sup> Ngauralo ri fhano, huno ra Mu losha, nahone ndi A funeaho na u naka ha zwigidi zwa sumi tuyani washu. Huno zwa vhukuma ro takala u vha vho dzulaho hafha na vhoinwi, madekwana a ñamusi, nga itshi tshifhinga tshavhuði tsha vhuþama.

<sup>9</sup> Zwino, vhoinwi vhane na takalela u vhala Ipfi, kana ni swaye fhethu. Ndo elekanya uri madekwana a ñamusi, ndo vha ndi tshi khou rera nga maanda nga ha phodzo ya Muya, ndo nga ndi a shandukisa þohoho madekwana a ñamusi, zwiþukunyana. Hu si u i shandukisa kokotolo, fhedzi u tou elela hayo. Ngauri, ni nga si kone u shandukisa Ipfi lithihi Bivhilini, ngauri li tou tendelana na mañwe Maipfi Naþo. Luñwalo lwoþhe lu tou vhofhekanya fhethu huthihi. Zwi tou fana na yone—yone . . .

<sup>10</sup> Khangwelo, arali izwi zwi tshi pfala zwi u þambuludza, huno ndo vha ndi si nga khou zwi amba nga iyo ndila, na luthihi. Fhedzi zwi tou fana na mazele, ni a ñivha. Ro vha ri tshi anzela u wana phazele ya jigsaw yo tumukanyiwa nñha—nñha, huno zwenezwo ro vha ri tshi do dzula phasi huno ra guda u i vheya fhethu huthihi. Huno zwenezwo ri tea u vha na tshiñwe tshithu tsho dzulaho nga thungo, tshifanyiso tsha zwe ra vha ri tshi khou lingedza u zwi vhekanya zweþhe, uri ri ite mazele a de zwavhuði. Arali ni songo ita, no vha—no vha ni si nga zwi iti na khathihi.

<sup>11</sup> Huno zwino ndi nga ndila ine Luñwalo lwa vha ngayo. Lu a tumulwa sa zwenezwo, uri lu dzumbelwe maṭo a vhaṭali na vho thanyaho; ni a vhona, vha tou nga Vhafarisei, zwikola two thanyaho. Huno Yesu a livhuwa Mudzimu uri (Zwi) O dzumba Hezwo maṭoni avho, nahone u ḋo Zwi dzumbulula kha vhuskie vhune ha ḋo guda.

<sup>12</sup> Zwino arali ni tshi ṭoda tsumbo yanu, u vhea phatheni yanu, u vhona zwine Luñwalo lwa tshimbila fhethu huthihi ngazwo, itanu vheya Yesu hafha huno ni ye u Mu lavhelesa, nahone a zwi vheya kha Bivhili. Ni na zwithu zweṭhe zwo bvaho nga ndila yone, ngauri ndi nzumbululo ya Yesu Kristo. Yone—yone Testamente Ntswa na ya Kale, zweṭhe, vhoṭhe vha amba nga Yesu, ni a vhona, Yesu Kristo ene Murwa wa Mudzimu, ngauri ndi Ene (ene) heyi Bugu ya Thengululo. O vha e Ipfi, huno Ndi ene Ipfi, huno izwo zwi tea u vha Ene, inwi ni a vhona. Ngauralo iyi ndi Bugu yoṭhe ya Thengululo, ine ya vha Yesu Kristo, yo teaho yo vhewa fhethu huthihi nga Mudzimu; na pfulufhedziso dza thengululo na phodzo, na tshinwe na tshinwe, u itela muthu. Ni a vhona? Naa ni a zwi pfectesa izwo zwino? Iyi Bugu ndi Yesu Kristo, o vhewaho fhethu huthihi nga Mudzimu. Ni a vhona? Huno U da sa muthu huno a ri rengulula, huno pfulufhedziso inwe na inwe i Khae, na ya vhoinwi, ngauri ndi Ene Murengululi.

<sup>13</sup> Kha ri fhende madekwana a ḥamusi kha Testamente Ndala, u wana zwine ra tama u ita ḫhaluso dzashu khazwo, musi ri tshi vhala kha Yesaya, ndima ya vhu6 ya Bugu ya muporofita Yesaya.

<sup>14</sup> Ndi takalela manwalo a Yesaya. O vha e muporofita muhulwane. Naa no vhuya na zwi ḫivha uri Yesaya o ḫiwala Bivhili yoṭhe, u tou fana na tshipida tshiṭuku Khayo? O ralo. Yesaya u thoma kha tsiko, vhukati ha Bugu hu da Yohane Mulovhedzi, na wa u fhedzisela nga Nwahagidi. Ngauralo u... Hu na Bugu dza furathirathi dza Bivhili, na ndima dza furathirathi dza Yesaya, ngauralo zwa vhukuma i tou vha murunzi wa Bivhili yoṭhe.

<sup>15</sup> Zwino kha ri vhale u bva kha ndima ya vhu6.

*Nga ḥwaha we... Usia a fa uri ndo vhona-vho Murena o dzula kha khuluṇoni, nṭha... a takulelwā nṭha, huno vhuhone hawe ha ḫadza thembele.*

Huno nga nṭha hayo ho ima vhaserafe: muṇwe na muṇwe o vha e na phapha dza rathi; mbili dzo fukedza tshifhaṭuwo tshawe, huno mbili o fukedza milenzhe yawe ngadzo, huno mbili a fhufha ngadzo.

Huno muṇwe a vhidzelela muṇwe, huno a ri, Mukhethwa, mukhethwa, mukhethwa, ndi MURENA Mudzimu wa mavhuthu: ḫifhasi ḫoṭhe ḫo dala vhugala hawe.

*Huno phuphu dza vothi dza sudzuluwa kha ipfi ḫa uyo, we a lila, huno nn̄du ya ḫadzwa nga vhutsi.*

*Zwenezwo nda ri, Khombo kha nne! ngauri ndi wa tshika; ngauri ndi munna wa milomo ya tshika, huno ndi dzula vhukati ha vhathe vha milomo i songo kunaho: ngauri maṭo anga o vhona Khosi, MURENA wa mavhuthu.*

*Zwenezwo ha fhufha muñwe wa vhaserafe kha nne, a na simbe tshandani, le a li dzhia nga lumano kha alitari:*

*Huno a li vhea mulomoni wanga, huno a ri, Vhona, ilij lo kwama milomo yau; huno vhutshinyi hau ho ḥuswa, nahone zwivhi zwau zwe ṭanzwiwa.*

*Nahone nda pfa ipfi la Mudzimu... lone ipfi la Murena, a tshi ri, Ndi do ruma nnyi, huno ndi nnyi ane a do... kana ndi nnyi a no do ri yela? Zwenezwo nda ri, Ndi fhano; nthume.*

<sup>16</sup> Ndi tama u dzhia linwalwa, arali ri tshi tea u li vhidza ilo, nga ha ḥoho ya Thuthuwedzo. Thuthuwedzo ndi tshithu tshihulwane. Ro vhudzwa nga ha, Luñwalo, uri, “Ri epistola dzo ñwalwaho, nahone dzi vhalwa nga vhathe vhothe.”

<sup>17</sup> Huno riñe, sa Vhakriste, ri tea u dzulela u lavhelesa zwine ra ita na zwine zwa amba, uri ri a fhulufhedzea lwo khunyelelaho kha muthu muñwe na muñwe. Huno inwi, arali ni sa koni u fhulufhedzea kha muthu wañu, zwa vhukuma a ni nga fhulufhedzei kha Mudzimu. Ngauralo ri shumela hani Mudzimu, ndi ene, ri a shumelana. Vhunga ndi tshi do vha wa ngoho kha inwi, ndi nga ndila ine nda do vha wa ngoho kha Mudzimu. Huno ndi nga ndila nthihi kha inwi kha nne. Ri fanela u fulufhedzea nga tshashu kha tshumisano dzashu ḫothe.

<sup>18</sup> Huno muñwe u khou ri sedza. Ni nga di si elekanye izwo, fhedzi hu na maṭo o ni sedza. Huno vhutshilo hanu vhu khou ṭuṭuwedza muñwe muthu. Khañwe ndi ñwana muñku, huno hoyo ñwana a nga aluwa u vha muñwe Finney, kana Moody, kana vhañwe. A ri ñivhi. Fhedzi vhutshilo hanu—hanu vhu khou ṭuṭuwedza muñwe.

<sup>19</sup> Huno nzudzanyo yashu madekwana a ñamusi yo dzula nga maanda kha hezwi, ngauri u tou i vhalo ano masiari, musi ndo vha ndi tshi khou guda, ndo vha ndi tshi khou elekanya uri Mudzimu o vha e muhulwane hani.

<sup>20</sup> Matsheloni ano, musi murwa wanga na nne ro vha ri tshi nga ri khou tshimbila u mona hothe kha bu—buloko, ho vha hu na vhathe vhanzhi nga maandja. Ra tsela fhasi u mona na Zwifhinga zwa Tshikwea, ngauri vho ri vha khou yo zwi kherukanya. Ndi elekanya uri mu...mu—mushumo wo no di thoma. Ngauralo ndo vha ndi tshi khou sedza izwo, huno ro vha ri tshi khou dzula zwiñwe zwifanyiso. Huno vhathe, vha tshi khou lila! Nda ri kha murwa wanga, Billy, nda ri, “Naa vhothe vha khou yafhi? Naa u dzhaya ndi mini? Hafha khevha, fhasi hashu, a gidimaho; na hafha, a gidimaho; na ñha hashu, a gidimaho. Ndi... Naa muñwe na muñwe u khou yafhi nga u ṭavhanya ho raloho?”

<sup>21</sup> Huno musi ro ima, ra elekanya hezwi, “Naa Mudzimu a nga divha hani ngelekanyo dza muthu muñwe na muñwe? Huno zwi nga vha hani uri bi—dzibillioni dzothe lifhasini, huno naho two ralo Mudzimu u a divha tshifhinga tshothe musi ni tshi poidza ito lanu?” U a si na magumo.

<sup>22</sup> Huno arali ni tshi khou toda u divha, na u tou fusha izwo, arali zwa vhuya zwa da muhumbuloni wanu, bvela nnnda nda sedza kha dzinaledzi huno nda divhudzisa nga ndila ine A langa idzo dzothe, huno ni a vhona uri izwi zwi do vha mushumo muñuku hani. Musi idzo naledzi, ni nga vhona miñwaha ya milioni dza dana na fumbili ya tshikhala tsha tshedza, nga ngilasi; ni a divha uri tshedza tshi tshimbila nga luvhilo hani, mulandu, no vha ni tshi nga ita muduba wa zwa tahe u mona na shango la New York, no vha ni si nga zwi kwashékanye kha dzimaela. Huno seli ha izwo hu tou vha na naledzi nnzhi vhunga dzi re hone kha ili sia, heneffo Thavhani ya Palomar na Thavha ya Wilson henengei California, zwi nga di vhonwa.

<sup>23</sup> Elekanyani uri Ndi muhulwane hani, na uri O fara hani lifhasi! Heli lifhasi, kana iñwe ya idzo naledzi i do sudzuluwa fhethu hayo, milioni na dzibillioni dza maela kule, zwi do kwama lino lifhasi. Iyo sisteme yothe ya duvha i tea u dzula fhethu hayo. Huno, ni a vhona, tshiñwe na tshiñwe tshe Mudzimu a ita, nga u ralo, tshi thetshela Mudzimu. Fhedzi musi Mudzimu a tshi ita muthu, muthu u vhonal a tshi ḥoda u divha u fhira zwine A ita, ni a vhona; ndi, ndi riñe fhedzi vha re nnđa ha fhethu. Dzi dzula fhethu. Huno vha tea u dzula fhethu, u shumisana.

<sup>24</sup> Sa tsumbo, nwedzi, arali nwedzi wa vhuya wa sudzuluwa vhuimoni hawo, lifhasi li do ḥadzwa nga mađi, hu sa athu fhela tshifhinga. Ni a vhona, wone—wone nwedzi ndi—ndi u nga mulindi wa lwanzhe. “U vheya mikano yawo, uri u nga si fhire.” Huno musi nwedzi u tshi shanduka kha lifhasi, hafha hu da magabelo. Arali nwedzi u so ngo u gavha kha linwe sia, wo vha u tshi do tibedza lifhasi. Ni a vhona? Ngauralo nwedzi u ima huno—huno wa rembulusa muñana wawe uri u sedze thungo iñwe ya shango, huno—huno hafha hu da mađi a tshi khou dzhenia nga u ḥavhanya, huno zwenezwo a rembuluwa hafhu. Ndi mudinda wa Yehova. Lwanzhe lu a ima huno lwa humela murahu fhethu halwo hafhu, ngauri lu vhona u sudzuluwa ho fhelelaho ha Yehovah.

<sup>25</sup> Oo, arali riñe tshivhidzoni, sa mirado ya Muvhili wa Kristo, ro vha ri tshi nga shuma fhedzi nga nyandano yo raloho, ni do vhona Tshivhidzo tshihulu nahone tsha maanda tsha Mudzimu a tshilaho, zweithe zwe vhekanyiwa, tsho dadzwa nga Muya Mukhethwa. Naa zwi nga si vhe zwavhudí? Murado muñwe na muñwe wa Muvhili u tshi khou ela kokotolo fhethu hawo, tshifhiwa tshiñwe na tshiñwe vhuimoni hatsho, tshifhiwa tshiñwe na tshiñwe tshi tshi khou thusa tshiñwe, murado muñwe na muñwe a tshi khou thusa muñwe, izwo zwi do vha zwavhudí.

Izwo ndi zwine ra ṭoda u zwi vhona. Fhedzi ri ḋo zwi vhona liñwe ḫuvha, huno arali zwa vha zwo luga.

<sup>26</sup> Zwino, uyu muthu muswa, Usia, o vha e khosi. Fhedzi phanda ha musi a tshi vha khosi... O vha e khosi kha u vhusa ha Yesaya, muporofita. Huno o vha e mutukana wa mulisa; o takalela u vha nn̄da. O vha e ḫuṭhuwedzo khulwane kha—kha vhutshilo ha Yesaya. Yesaya o vha e muthu muswa, na ene-vho, a tshi tou vha muporofita muswa. Huno ni vhala nganea, arali ni tshi ṭoda u dzhia Koronika dza Vhuhili 26, i ḋo ni vhudza. Nga ndila ye kha tshikhathi tsha fumirathi, nga murahu ha lufu lwa khotsi awe vho lugaho, o vha... vho mu dzhia huno vha mu ita khosi ya Isiraele. Kha tshikhathi tsha fumirathi a thoma u vhusa. Huno o vhona ḫuṭhuwedzo ya vhabebi vhawe; mme awe vho vha vhe musadzi a ofhaho Mudzimu, huno khotsi awe vho vha vhe munna a ofhaho Mudzimu, phanda hawe. Huno, kha izwo, zwi vhea ḫuṭhuwedzo kha ḫwana u ita izwo zwe zwa vha zwo luga.

<sup>27</sup> Ndi a ni vhudza. Ndi elekanya uri, namusi, ri na gabelo la vhugevhenga kha lushaka lwoṭhe, fhedzi, zwa vhukuma, ndi elekanya uri zwo thoma hayani. Ndi—ndi elekanya uri vhabebi vho thoma u litshedza. Huno arali ḫwana o aluswa mudini wavhudji, wa tshikale-kale, u ofhaho Mudzimu; A thi ambi uri zwi ḋo fhela, zwa vhukuma hai, fhedzi zwa vhukuma zwi ḋo fha uyo ḫwana lushaka lwa ḫuṭhuwedzo. Ndi a elekanya, zwifhinga zwinzhi, uri, mahaya e vhana vha aluswa nga ndila yo khakheaho, vho vhofhololwa tshiṭaraṭani, huno vha tou ditshilela vhone vhaṇe musi mme vha tshi dzula lufherani lwa barani, kana ene... na khotsi, na vhaṇwe-vho. A vha londi uyu ḫwana. Tshiṇwe tshithu, a vha tshi funi huno vha tshi nea madzangalelo, u tshi isa n̄tha. Ndi vhaswa. Ni tea u zwi funza u funa na u ḫonifha, na u vhala Bivhili.

<sup>28</sup> Ndi humbula nga ha Susanna Wesley. Ndi humbulela uri o vha a na vhana vha fumisumbe. Ndi elekanya uri izwo zwo luga. Fhedzi o wana awara mbili kana dzo engedzeaho, ḫuvha liñwe na liñwe, u rabela. Fhasi ngei—magumoni a rokho yawe, he vhatukana vhaṭuku vha gwadama u mona hoṭhe, mn̄da henefho ha bveledzwa Yohane na Charles vhe vha shandukisa buđo la shango, vho tshidza shango nga ilo ḫuvha. O vha a si na mutshini wa kuvha na muthambi, vhunga ri nazwo namusi, huno na tshisibe tsha u ṭamba, na zwiñwe zwinzhi, kana mushumeli. Tshithu tshe... O tshi ita ene muñe, fhedzi naho zwo ralo o vha a tshi nga wana tshifhinga ngauri o vha a tshi khou ḫuṭhuwedzo kha vhaṇwe vhana vhe mafhedziseloni vha shandukisa buđo la shango. Ndi elekanya uri avho ndi mme vha fesheni ya kale, haya ha fesheni ya kale, hune thabelo na pfectesyo ya Bivhili.

<sup>29</sup> Ndi a tenda, Abraham Lincoln ho ngo vhuya a vha na bugu vhutshiloni hawe, u swika a tshi vha wa miñwaha, fhedzi Bivhili na... ndi elekanya uri yo vha i Bugu ya Foxe Ya Vhulawa... Ndi nga di si kone, i nga di vha yo vha inwe bugu. Ndi elekanya

uri ho vha hu Mvelaphanda ya Mufhiri, u vha yone. Ho vha hu Mvelaphanda ya Mufhiri, na—na Bivhili. Ni a vhona uri ndi lushaka-de lwa mvumbo ye ya vhumba?

<sup>30</sup> Edzonu ri ndi dzhene nduni yanu huno ndi vhone uri ni na zwifanyiso zwa lushaka-de kha luvhondo lwaṇu. I ri ni ndi ye hayani hanu kana ofisi yanu, huno kha ri vhone uri ndi lushaka-de lwa muzika lu no khou tambo. Ni a vhona? Zwine na vhala, zwine na sedza khazwo, ndi nga ni vhudza zwavhuđi zwine zwa vha nga ngomu hanu, ni a vhona, ngauri i dikanzwa nga hezwo. Ni a vhona? Huno, oo, hayani, arali ra ita haya hvavhuđi nga maanda, vhana a vha nga ḥodi u shavha. Vha ita zwithu zwe engedzeaho u itela vhone, hune vha pfa vho ḥanganedzwa nahone vhe hvavhuđi nahone vha ḥigēda hayani; hune, hayani, vha nga si kone u lindela u swika vha tshi swika henengei. Huno iyo ndi ndila ine haya ha tea u vha ngayo.

<sup>31</sup> Huno ndi elekanya uri ulwo ndi lushaka lwa haya he Usia a fanela u vha o aluswa khaho, nga n̄thani ha ḥuṭhuwedzo ya vhabebi vhawe vha ofhaho Mudzimu. Huno nga u ḥavhanya a tshi vha khosi, o nyadza mihumbulo yothe i takalelwaho na phambano dzothe dza politiki, huno a vhea muhumbulo wawe sa tshithu tshithihi: u do shumela Mudzimu, hu si na ndavha! Ri ḥoda vhaṇwe vhorapolotiki vho engedzeaho nga u ralo. Ene, o vha o diimisela tshotheuri u khou yo shumela Mudzimu, ngauri iyo ndi ndila ye a vuswa ngayo, huno khotsi awe vha mu nea ḥuṭhuwedzo yo teaho, ya uri a—a kone u shumela Mudzimu nahone a tshila.

<sup>32</sup> Huno muvhuso wawe wo vha u muhulwane nga maanda u swika, ndi a tenda, wo vha u tsini na muvhuso wa Salomo. Ndi a tenda zwe dzhiela nzhele u vha tsini na muvhuso wa Solomoni. Nga ndila ine Mudzimu o mu fhaṭetshudza ngayo!

<sup>33</sup> Huno iyi yo vha i ḥuṭhuwedzo khulwane kha uyu muporofita muswa, Yesaya, we a vha e thembeleni nga itsho tshifhinga, kana shangoni. Huno nga ndila ye a vhonwa, na uri Mudzimu u do fhaṭutshedza hani munna we a dzhia vhuimo ho teaho, u ita zwithu nga ndila yone, u vha na tshivhangi na tshiṭuṭuwedzi tshone, huno o ita zwone.

<sup>34</sup> Tshiṇwe tshifhinga ni nga elekanya uri a zwi badeli. Fhedzi zwi a badela zwavhukuma. Zwi tea u lifha. Ni nga si kone u ya vhubvađuvha na vhukovhela nga tshifhinga tshithihi. Ni nga si bvele phanda na tsha monde nga tshifhinga tshithihi. Ni nga humbula uri ni khou ya nga inwe ndila, fhedzi a ni khou ralo. Ngauralo arali ni tshi do vhea ḥalukanyo yanu—yanu na mađo, na zwiṭuṭuwedzi na dzindivho, vhutshiloni, kha tshithu tshi re tshone, ni tea u bva na vha kha tshithu tsho lugaho. Ni nga si kundelwe. Ni a vhona? Iyo ndi yone ndila i yothe. A hu londwi uri ni lingiwa zwingafhani u ita linwe sia, na rembulusa ḥohoh yanu khalo huno na ita zwi re zwone. Huno inwi—inwi ni a ḥivha

uri no luga; ni pfa ni khwine, nahone ni khwine. Huno izwo zwi tou vha zweithe zwine zwa vha hone khazwo, ni na . . . ni khou yo bva zwavhuđi. Ni thoma u ya vhukovhela, a ni—a ni khou yo vha ni tshi khou ya devhula, ni khou yo vha ni tshi khou yo . . . ni khou yo ya vhukovhela. Huno izwo ndi nga ndila i fanaho na kha zwi re zwone na zwe khakheaho.

<sup>35</sup> Huno Yesaya o vhona hezwi, nahone a vhona uri Mudzimu o mu fhatutshedza. Huno nga ndila ye a . . . tshaka dzithe, u mona hothe, bvumo lawe la ya thwii ngomu Egipita. Huno tshaka a dzo ngo ḥoda nndwa nae, vho—vho vhona uri Mudzimu o vha e nae. Ngauralo a tou . . . Vha mu rumela zwifhiwa zwa mulalo na sambi la nngu, na zwithu, huno—huno a mu nea zwone, u ita mulalo. Huno o vha e munna wavhuđi.

<sup>36</sup> Huno ndi a tenda arali lushaka, kana vhatu, kana tshivhidzo, kana muthu muthihi, a hu londwi uri vhasasaladzi vha ni sasaladza zwingafhani, vha tou ita tshithu tsho lugaho. Vha na ḥonifho yanu, fhasi-fhasi mbiluni dzavho. Huno ndo wana uri izwo ndi ngoho. Ni a vhona? Huno ivhani a fhulufhedzeaho nahone ni vhe a fulufhedzeaho. Vhatu vha do zwi thonifha hezwo. Huno nahoh vho khakha, vha kha di zwi ḥonifha, ni a vhona, ngauri hu—hu tou vha muthu. Rothe ri vhatu, huno ri—ri a zwi divha uri hu na tsho lugaho na tsho khakheaho, huno ri fanela u dzhia izwo.

<sup>37</sup> Huno—huno Usia a fara itshi tshimo. O vha e ḥuthuwedzo khulwane, vhunga ndo amba, kha Yesaya muporofita.

<sup>38</sup> Huno zwenezwo Usia a ita iyo khakho i no nukha, u tou fana na vhańwe vhatu vhanzhi vha tshi ita. Musi o no, pfa a tshi tsireledzea, a pfa uri u tou vha na tshithu tshothe tshanđani tshawe, a takulelwa n̄ha muyani wawe. O dihudza, u dihudza. Zwino hu na tsumbo ya vhukuma yashu rothe.

<sup>39</sup> Ni a divha, ndi yone thaidzo. Ndi—ndi khou amba na Vhakriste na—na vhashumeli, huno ndi—ndi ḥoda u vha a fhulufhedzeaho kha izwi zwithu. Huno benefho ndi hone hune vhashumeli vhanzhi vha vhuya vha ita phoswo. Ro no pfa zwifhinga zwinzhi nga maanđa nga ha vhashumeli, mi—mishumo ine vha ita, na—na zwithu, vhańwe vhavho khamusi u ita zwithu zwine vha sa tee u zwi ita. Ndi elekanya uri tshinwe tshifhinga, vhone ndi vhamma vhavhuđi, Vhakriste vha mangadzaho vho no shumiswaho nga Murena. Huno zwenezwo mafhedziseloni vha wana muvhuso mułuku wo fhaṭwa u mona navho, kana ḥuthuwedzo nnzhi, vhatu vhanzhi vha no da miłanganoni yavho, u swika vha si na tshe na ndavha, huno vha dihudza. Vhatu vha a vha vhanda nahone vha ima, huno—huno rine—rine zwa vhukuma ri songo zwi ita hezwo. Rine, elelwani, rothe ri tou . . .

<sup>40</sup> A hu na vhatu vhahulwane vhukati hashu. Rothe ri—ri tou vha vhana vha Mudzimu, ni a vhona, arali Mudzimu o ita vhańwe

vhashu tshinwe tshithu na vhañwe. Mulandu, O nnyita nga munwe na iþo, na zwiñwe-vho. Zwo ralo, ri teya u khodana nga tshashu, huno zwenezwo hu si u lingedza u dipfa ndi muhulu. Ngauri, roþhe ro tumekana na Mudzimu muthihi, ni a vhona, huno riñe roþhe ri bva kha muri muthihi. Ni a vhona?

<sup>41</sup> Huno zwino ri wana uri, zwifhinga zwinzhi, vhashumeli vha swika hune vha pfa vho tsireledzea zwiþuku, huno vha dzulela u bvela phanda, huno, tshithu tsha u thoma ni a ðivha, vha ðo ita zwithu zwine vha sa tee u zwi ita. Huno ri a zwi ðivha hezwo, zwifhinga zwinzhi, munna o lugaho na wavhuði u ðo vha nga ndila ine vha ðo vha na mafhungo manzhisa a matshilisano, vha tou u þoda u ya kha maðikiþa mahulwane, huno, tshithu tsha u thoma tshire na ðivha, vha þoda tshiñwiwa tshiþuku, luthihi nga murahu ha tshifhinga, huno vha tangiwa nga shango. Huno ndi elekanya uri iyo ndi yone thaidzo kha zwivhidzo zwashu ñamusi. Ndi elekanya uri iyo ndi yone thaidzo kha mutshimbilo washu wa Pentekoste.

<sup>42</sup> Zwino i ri ni ndi ambe izwi zwa u thoma, nga ndila i pfalaho. Ni a vhona? Ni a mpfa ndi tshi amba zwithu nga ha tshivhidzo tsha Pentekoste. Huno nne ndi mupentekostaþa. Ni a vhona? Fhedzi, hafha, mini-ha arali ho vha hu si na vhathu vha pentekostaþa ngei New York, madekwana a ñamusi, ndo vha ndi tshi ðo ya u funza uyu Mulaedza gai? Ni a vhona? Ndi livhuwa vhathu vha Pentekostaþa. Ndi vharathu vhanga na dzikhalaadzi.

<sup>43</sup> Fhedzi naho zwo ralo musi ndi tshi vhona tshiñwe tshithu tsho khakheaho kha mukomana wanga, ñwananga, kana a vha mufumakadzi wanga, kana tshiñwe na tshiñwe tshe tsha vha tshi tshone, tsho luga. Mubebi ene u ðo khakhulula vhana vhavho.

<sup>44</sup> Huno ndi elekanya uri vhuleme kha tshivhidzo tshashu, ri lingedza u vha nga maanda vhunga vha—vhañwe. Ni a vhona? Ri lingedza u ðifara sa muñwe muthu, ni a vhona, huno—huno ra thoma u dzhia madzema avho. Huno tshithu tsha u thoma ni a ðivha, zwo vha zwi tshi anzela u vha . . .

<sup>45</sup> A thi elelwi vhathu vha Pentekostaþa u rangani havho, zwo tou ralo, vho no fhedza miñwaha minzhi yo fhiraho, kha uyu mutshimbilo wa u fhedza u bvaho Tshiþaraþani tsha Azusa, fhedzi ndo dzhia ðivhazwakale yazwo. Huno ndo—ndo no vhala bugu nnzhi, nahone nda amba na vhañwe vha vhanna vho aluwaho. Ndi khou þodou vha na muñgano zwa zwino na muñwe ngei Shreveport, Louisiana, u ðo vha henefho, o vha e muñwe wa vhanna vha u thoma Tshiþaraþani tsha Azusa. Huno zwenezwo uho ndi u ranga ha pentekoste kha lino shango, miñwaha i no þodou swika ya fuþhanu na zwithu yo fhiraho, ndi zwi dzhia nga u ralo. Ndo rera muhuvho wa musuku thembele ni ya McPherson, thembele ya Angelus Temple ngei Los Angeles, miñwaha i si gathi yo fhiraho, muhuvho wa musuku wa ñwaha wa vhufuþhanu wa pentekoste, zwino, ni a vhona.

<sup>46</sup> Fhedzi u bva zwenezwo, ho vha na zwithu zwinzhi zwi kokodzelwaho ngomu tshivhidzoni, ngauri tshivhidzo tshi tea u huṭana na shango ḋuvha līnwe na līnwe. Zwino, huno a thi khou amba u—u vhuya murahu kha hezwi hafhu, kha—kha khaladzi dzashu, ni a vhona, vhakomana vhashu. Zwifhinga zwinzhi, two vha zwi tshi anzela u ralo miñwaha yo fhiraho, uri two vha zwo khakhea (ngauri vhunga ndo amba vhuñwe vhusiku) kha khaladzi dzashu u ṭunya avho, mavhudzi. Ho vha hu tshi anzela u vha mu—mafhungo a Pentekoste, uri izwo vho vha vha songo tea u zwi ita na izwo zwithu. Fhedzi ndi mini? Zwino ri dzhena kha zwipiḍa zwo fhambanaho zwa shango, huno ri wana khaladzi dzashu dla Pentekoste na ukwo kugerele kwa mavhudzi a khele, ni a ḋivha, ayo magerele mahulu a mavhudzi nga u ralo. Huno ni nga vha vhudza nga hazwo. Huno vha shumisa zwidolodolo. Vha—vha ambara zwiambaro zwi no nga zwa munna.

<sup>47</sup> Huno inwi ni ri, “Zwino, Mukomana Branham, ni khou doba vhasadzi.”

<sup>48</sup> Zwino imani lwa tshifhinganyana, i ri ni ndi dobe vhanna. Mu—mukomana a no do tendela mufumakadzi wawe u ita izwo, ha muvhusi nga maandā nđuni yawe. Ni a vhona? Ni a vhona? Ni a vhona?

<sup>49</sup> A no ngo tea u ita hezwo. Fhedzi ndi mini? Ro huṭa mahada na vhañwe vhoṭhe, huñwe u kulea nungo huṭuku hu dzhena ngomu hu tshi bva kha iñwe seminari kana tshikolo, huno ha vha na muhumbulo wo fhambanaho wazwo. Fhedzi hu na tsumbo nthihi yo khunyelelaho, ine ya vha yone, murahu kha Bivhili. Bivhili i a zwi haṭula izwo, ni a vhona. Huno a zwo ngo luga.

<sup>50</sup> Huno zwenezwo ri wana zwiñwe zwithu. Zwo vha zwi tshi anzela u vha zwo khakeaho kha vhatu vha vhukhethwa u ya baisikoponi kana filimuni, ni a ḋivha. Zwino vha a ḫuwa tshifhinga tshoṭhe. Ni a vhona? Huno zwenezwo Saṭhane a kokodza nga u ṭavhanya kha inwi, a vheya thelevishini nđuni yañu, huno, ni a vhona, a i lugisa benefho. Fhedzi hezwi zwithu zweṭhe, uri zwo vha zwi tshi anzela u khakhea.

<sup>51</sup> Zwo luga, naa ndi mini? Ni a vhona, zwi ḫa nga zwiṭuku u swika, tshithu tsha u thoma ni a ḋivha, tshi tou vha tsho ni wana. Zwi nga tsinde li no khou aluwa u mona na inwi. Zwino, arali ni tshi do litsha uyo muṭokola u kule na inwi, ni a vhona, huno na dzulela u diputela nga Yesu, u mona na Ipfi huno na dzula Nalo, ni a vhona, ni do aluwa tswititi. Izwo zwo kombama huno zwi ni kokodzela nnđa ha nđila. Kristo u a ni kokodza n̄tha. Izwo zwi ni kokodzela thungo.

<sup>52</sup> Huno zwenezwo ni vhona musadzi muthihi, vhunga mufumakadzi wa mushumeli, kana mushumeli, a tshi thoma u ita tshiñwe tshithu, tshivhidzo tshawe tshoṭhe tshi qo ri, “Zwo luga, mufunzi washu u a zwi ita. Mufumakadzi wa mufunzi u a zwi ita. Ndi ngani ri sa tei u ita izwi?” Ni a vhona, ni khou

untuwedza muñwe muthu, huno ni vhe na ngoho ya uri ni khou vha tuntuwedza nga ndila yone, u ya nga kha ndila yone na zwithu zwa u ita zwi re zwone.

<sup>53</sup> Zwino ri wanulusa, musi ni tshi takulelwa n̄tha, zwenezwo ni ndilani yanu ya u tsa fhasi, ni a vhona, musi ni tshi ditakusa.

<sup>54</sup> Huno ri wana zwino uri uyu Usia, o takulelwa n̄tha ngauri o pfa o tsireledzea, tshiñwe na tshiñwe u mona nae. O—o vha e na lushaka lwave, huno lwo vha lu tshi londotiwa zwavhuđi, huno Mudzimu o mu fhađutshedza. Huno o vha a na bulasi khulwane, na miñambi na nngu, na—na maini, na lupfumo luñwe na luñwe. Huno tshaka dzothe dzo vha dzi kha mulalo nae. Ngauralo o—o tou dihudza u swika a tshi elekanya uri a nga ita tshiñwe na tshiñwe tshire a—a tama u ralo, na u dihudza.

<sup>55</sup> O dihudza u swika a tshi lingedza u dzhia vhuimo ha mushumeli. A dzhena thembeleni, huno a dzhia ludongo huno a ya kha aliñari. Huno musi o ita, tshifhe a mu gidimela phanda hawe nahone a mu vhudza uri ha tei u ita izwo. Huno musi o khakhululwa, vhudzuloni ha u vha a diđukufhadzaho sa zwe a vha a tshi do vha o ita... Phanda ha musi a tshi takulelwa n̄tha, o vha a tshi do ri, “Izwo ndi zwone, a thi na—na pfanelo ya u ita hezwi,” huno o rumela ludongo fhasi kana a lu nekeda kha tshifhe we a vha e wa Aroni, o telwa u ita nga u ralo, o qikumedza fhedzi kha iyo tshumelo.

<sup>56</sup> Ndi enda zwiłukunyana na—na avha fhano Vhanna vha Bindu vha Mafhungo-madifha o Dalaho. Vhanzhi vhavho vho dzula henehfa zwino. Ndi tea u amba kha vhuragane havho, Mugivhela, matsheloni a Mugivhela kha iñwe... Mini? Statler Hotel, ndi a tenda uri ndi zwone. Vha ri vho no di rengisa thikhithi dza mađana a fumisumbe dza vhuragane.

<sup>57</sup> Ngauralo zwenezwo, a si kale-kale, ndo vha ndi tshi khou amba navho. Huno vho vha vha tshi khou dzhia vhoramabindu n̄tha kha pulatifomo, vha tshi khou dzhia liñwalwa lavho nahone vha tshi rera Mafhungo-madifha. Nda ri, “Izwo zwo khakhea.” Zwa vhukuma zwo khakhea. Zwi a kondä lwo edanaho riñe vhareri uri ri Li fare tswititi; litshani u dzhia ramabindu a songo telwaho kha tshiñwe tshithu tshi no nga tshenetsho, tshire na disa mihibulo miñku khatsho, na zwiñwe-vho. Huno nda ri, “A ni tei u ita hezwo.”

<sup>58</sup> Ni songo vhuya na lingedza u dzhia vhuimo ha muñwe muthu. Mudzimu o ni ita tshiñwe tshithu, huno inwi ni dzule hezwo. Zwa vhukuma. Inwi dzulani fhedzi zwine na vha zwone. Ni songo lingedza u edzisela muñwe. Izwo ndi zwine tshifhinga tshothe zwa lozwa zwifhiwa zwe Mudzimu a rumela kha shango. Ri wana u edzisela hunzhi ha ñama, huno ri wana muñwe ane a lingedza u kopolola nga murahu ha muñwe.

<sup>59</sup> Vhunga vho amba kha vhashumeli vha vhafumakadzi, musi Vho.Mme McPherson vho vha vha tshi khou tshila, huno musadzi

muńwe na muńwe a tshi ambara idzo phapha vhunga o ita, kana zwezwo zwe zwa vha zwi zwone, nahone o vha e na Bivhili nga ndila i fanaho. Huno tshińwe na tshińwe tshe a ita, vho ita.

<sup>60</sup> Ri dzhiela nzhele uri ri na zwinzhi zwa Billy Graham namusi! Fhedzi ni a vhona, Mudzimu ha ngo vhuya a ita fhedzi Billy Graham muthihi. Ndi zwenezwo fhedzi. O . . .

<sup>61</sup> Huno ni tou vha wa ndeme sa Billy Graham, Oral Roberts, kana muńwe wa avho vhanna vha dívheaho. Ni tou vha wa ndeme u swika ni tshi bva fhethu hanu, huno zwenezwo a no ngo luga na luthihi, inwi—inwi ni—inwi ni tshikhakhisi kha—kha avha vhanna, huno ni tshikhakhisi kha inwi muńe na Muvhuso wa Mudzimu. Dzulani vhuimoni hanu. Ni a vhona? Dzulani zwe Mudzimu a ni ita, ni a vhona, huno zwenezwo ni do shumisana zwone.

<sup>62</sup> Vhunga Paulo, a si tshithu tshiswa, Paulo o funza zwithu zwithihi, a ri, “Arali tshanda tshi tshi do ri kha iṭo, ‘ngauri a thi wa iṭo,’ kana n̄devhe i ri kha ningi, ‘A—a thi tsha do vha na n̄devhe, ngauri a thi ningi,’” kana tshińwe tshithu. Inwi, ni nga si kone u ita hezwo. Ni a vhona, zwo dzula fhethu huthihi lwo teaho nahone zwa tshimbila sa tshithu tshithihi tshihulwane.

<sup>63</sup> Huno a ro ngo fanela u lingedza u edzisela muńwe. Itanu vha zwine na vha zwone, ni a vhona, huno ndi nga ndila ye Mudzimu a ni ita. A ni ngo vhuya na dívhumbelo maitele. Huno, elelwani, vhunga rińe vhashumeli ri tshi do takalela u dzhia fhethu ha Billy Graham, ri nga si kone u zwi ita, na Billy Graham a nga si dzhie vhuimo hashu. Ni a vhona, rińe, muńwe na muńwe u na tshińwe tshithu tshine a tea u ita. Muthu mułuku zwawe fhano ane a nga vha mulindakhor, musadzi mułuku ane a nga vha mufaramuṭa, mushumeli muhulusa kha lifhasi ḥamusi o vha a nga si dzhie vhuimo hanu. Inwi, Mudzimu o vha e na n̄divho ya u ni ita zwine na vha zwone, huno ni tou shumela Mudzimu nga iyo ndila ye A ni ita. Ni a vhona? Huno ndi elekanya, arali ra nga tou ita hezwo, malinga a do fhungudza luvhilo luhulu. Ee, zwi do ralo, arali ra ita izwo, hu si u dihudza. Huno ri wanulusa uri, madzuloni a . . .

<sup>64</sup> Musi muńwe a tshi vhudza muńwe tshińwe tshithu, nga ndila ya Luńwalo, huno ri vhona uri ndi zwone, vhudzuloni ha—ha u lingedza u dítukufhadza, itonu ri, “Zwo luga, zwino, ndo—ndo khakha. Ni a nkhangwela. Huno ndo—ndo vha ndi sa khou amba . . . A—a tho ngo zwi dívha hezwo, ngauralo ndi do tou litsha u ita hezwo.” Zwo luga, zwenezwo, vhudzuloni ha u ita hezwo, zwifhinga zwinzhi ri ita sa zwe Usia a ita; o pfa u nga ndi muhulusa ane a nga khakhululwa, ni a vhona, o vha e khosi. Huno zwifhinga zwinzhi ndo no vhona vhashumeli nga iyo ndila, vhe vha pfa uri vho tou vha vha ndeme nga maandesa u ambiwa zwe Ipfi la vha li zwone, Ngoho.

“Zwo luga, mađuvha a mađembe o fhira!”

<sup>65</sup> Ndi nga ni sumbedza he Mudzimu a ta madembe; zwino ni nga si mmbudze he A vhuya a zwi ḥuwisa. Ni a vhona? Huno O ta zwifihwa; na khathihi a no ngo vhona he A zwi ḥuwisa. Ni a vhona, zwi kha Luñwalo. "Iyani shangoni lothe, ni rere Mafhungo-madifha kha tshivhumbwa tshiñwe na tshiñwe." Lwa tshifhinga tshingafhani? "Kha shango lothe, u swika tshivhumbwa tshiñwe na tshiñwe tshi tshi pfa, vhanzhi vhane vha tshi pfa. Hezwi zwiga zwi do tevhela avho vhane vha tenda." Ni a vhona, ri nga si kone u ita tshiimela tsha tshiñwe tshithuvho. Itonu dzhia zwe A amba, huno zwi do luga nahone zwi do shuma zwavhuđi. Fhedzi musi ri tshi kha di di ḥodela ndila dzañu...

<sup>66</sup> Ndi henehfo he Isiraele a ita phoswo yavho khulwanesa. Musi, tshilidzi tsho vha qisedza Khavhu ya Mulilo, Muruñwa, tshiñhavhelo, huno tsha vha vhofholola, a vha rumela muporofita, a vha rumela Khavhu ya Mulilo uri i vha tevhele, u ranga phanda muporofita ndilani. Huno musi vha tshi da kha, Ekisodo ndima ya vhu<sup>19</sup>, musi vho rengisedzana tshilidzi tsha mulayo, vho ita tshithu tshivhi tshe vha vhuya vha ita. Ni a vhona? Fhedzi vho vha vha tshi khou ḥoda tshiñwe tshithu tshine vha nga ita vhone vhañe.

<sup>67</sup> Iyo ndi ndila ine ra vha ngayo. Ri tea u vha na digirii ya vhudokotela yashu. Huno arali ni si nayo, ni nga si dzhene tshivhidzoni. Ndi zwenezwo fhedzi. Ngauralo, huno ri fanela u guda tshithu nahone ra wanulusa uri ndi tsha Mudzimu.

<sup>68</sup> Zwino ri wanulusa, uri Usia o dihudza, huno u khou yo zwi ita naho zwo ralo. A zhuvhula ludongo huno a ḥuwa. A zwo ngo ita phambano zwe vhotshifhe vha amba, o vha a tshi khou ya khazwo naho zwo ralo! Huno zwo vha zwi tshi hanedzana na Luñwalo. Zwo vha zwi si zwa mañwalo uri a ite izwo.

<sup>69</sup> A zwi ho mañwaloni kha inwi kana ndi do edzisela muñwe-vho. Ndi zwone. Ngauralo ivhani zwine na vha zwone, huno ni vhe wavhuđi, huno ni khunyeledze ndivho yanuuri vhañwe vha kone u ni vhona. Arali ni mufaramuđa, ivhani wa vhukuma, ni a vhona. Arali ni mu—munna, ivhani wa vhukumakuma, ni a vhona. Huno arali ni mudikoni, ivhani wa vhukumakuma; kana mureri, tshiñwe na tshiñwe tshine na vha tshone. Fhedzi ni songo lingedza u dzhia fhethu ha muñwe muthu-vho.

<sup>70</sup> Huno zwenezwo musi Ipfi li tshi ni vhidzela fhasi kha izwi, ni songo... Arali ni tshi pfa ni tshi kaidzwa, zwenezwo shandukani. Ndi zwenezwo fhedzi, u lulamisa. Ndi tshone tshithu tshi tshothe tshine tsha tea u itwa.

<sup>71</sup> Fhedzi Usia ho ngo ḥoda u ita hezwo. Nga murahu ha musi Mudzimu o mu fhañutshedža nga ndila ye A vha e ngayo, huno naho zwo ralo ho ngo pfa vhunga u do ita hezwo. O elekanya uri u khou yo bvela phanda, zwi iteni naho zwo ralo, ngauri o pfa uri o tsireledzea. Fhedzi musi o vha e kha... Zwo nga u mu ita

uri a dipfe o sinyuwa avho vhanna, na ene-vho, vhe vha vha vha tshi khou mu vhudza Ipfi la Murena.

<sup>72</sup> Huno musi o ita, a gidi mela ngomu, naho zwo ralo, huno ri wanulusa uri kha tshifhatuwo tshawe hu da mapele. Huno o vha e wa mapele u swika a tshi fa. O vha a sa tsha do ya nduni ya Murena na khathihi. O fa, e wa mapele. Nga murahu ha musi o no vhona tshanda tsha Mudzimu, na uri Mudzimu o vha wavhudi hani khae huno a ita zwithu zwe A vha e nazwo; naho zwo ralo uyo munna o fa, a o bviselwaho thungo, wa mapele.

<sup>73</sup> Zwino ri nga ita hezwo. Ro vhona zwithu zwinzhi, fhedzi na khathihi ni songo elekanya uri ro tsireledzea nga maanda lune Mudzimu a nga si kone u vhea khañhulo kha riñe, ni a vhona. Ni a vhona?

<sup>74</sup> Elelwani, ni songo lingedza u edzisela muñwe-vho. Ivhani zwine na vha zwone. Arali Mudzimu o ni ita mupentekostała, inwi ni vhe wa vhukuma, inwi ni a vhona. Arali—arali Mudzimu... U songo zwi shona. A thi shoni u vha muthu. A thi na ñtoni dza u vha Muamerika. A—a thi na ñtoni kha u vha mushumeli. A thi na ñtoni nga Mafhungo-madifha ane nda rera. Ngauri...

<sup>75</sup> Ndi a ñivha uri vhunzhi havho vha elekanya uri ndo xedza muhumbulo wanga. Na mme anga vhavhudzi vho aluwaho vho lugaho, vhe vha fa miñwaha i si gathi yo fhiraho. Musi ndi tshi thoma u ñanganedza Muya Mukhethwa, ho vha hu si na muñwe shangoni ñashu we a ñivha tshiñwe tshithu nga Hawo. Huno ndo vha ndi tshi tou vha mudzulapo, muñuku, mureri wa Baphuthisi a re na miñwaha i no ñodou swika ya fumbili. Fhedzi musi ndi tshi ñanganedza Muya Mukhethwa, mme anga vha ri, "Houla mutukana o xedza muhumbulo wawe." Ni a vhona? Fhedzi a hu londwi zwe mme vha elekanya, ndo wana iyo Nungu ya mutengo muhulwane. Zwi nga vha zwo vhonala sa zwenezwo khae, fhedzi kha nñe Zwo vha zwi zwavhukuma. Ni a vhona, Lo vha li lone. Ho vha hu tshinwe tshithu tsha vhukumakuma tshe—tshe nda tshi wana kha Mudzimu.

<sup>76</sup> Ngauri, tshifhinga tshothe ndo tenda, sa mutukana, uri ili lo vha li Ipfi la Mudzimu, huno na khathihi a Lo ngo kona u shanduka. Yesu o ri, "Mañadulu na liphasi zwi do lovha, fhedzi Maipfi Anga ha nga shandukiwi na khathihi. A li nga lovhi na khathihi." Ni nga si ite tshinwe tshithu vhudzuloni Halo. Li tou vha ndila ye La ñwalwa, huno iyo ndi ndila ine ra Li tenda ngayo. Ni songo engedza nga tshithu, kana na ñusa tshithu Khalo. Ni a ñivha, nga hangei kha Bugu ya Nzumbululo, Lo ri, "Ane a do engedza nga ipfi, kana a ñusa tshinwe tshithu kha iyi Bugu, (mini?) samba li do vha khae." Ngauralo itonu zwi litsha nga ndila ine Zwa vha ngayo, huno ni Li tende nga u ralo, huno Mudzimu u do li hulisa.

<sup>77</sup> Zwino o rwiwa nga n̄thani ha u dihudza hawe. Ndo wana vhudipfi ha uri ho vha hu na...o vha e ene fhedzi we a vha e hone, huno o vha a tshi do ita zwe a tama u ita na uri hu sa vhe na muñwe muthu-vho we a kona u mu imisa.

<sup>78</sup> Ro vha ri na murathu, a si kale, we nda mu pfela vhuṭungu. O vhonala u nga muñwe na muñwe o tsela fhasi khae. Vho pomoka murathu wa u ita zwithu zwe khakheyaho, zwine gurannda ya zwi pomoka. Fhedzi ndi—ndi tea u elekanya nga ha izwo, nda *pomoka* uyo munna? Zwa vhukuma ndo mu dzhiela, ngauri...a—a tho ngo tendelana nae. Fhedzi munna we a ñwala lianetshelwa huno a li vhea kha magazini, uri uyu munna o vha o no amba izwi zwithu zwe fhambanaho huno a ita izwi zwithu.

<sup>79</sup> Huno vhuñwe vhusiku muñanganoni ngei—ngei Minneapolis, vho mmbudza uri muñwali wa iyi magazini o vha e henengei. Huno athikili i khou di bva u dzhena nga kha magazine wa Christian, ngauralo ndi... Ho vha hu Christian digest. Ngauralo nda... Vhone, vha sumba munna nn̄da, kha nne, vha ri, “Uyo ndi ene o dzulaho *heneffo*.” Huno o vha e na kha iyi athikhili, ya uri uyu mushumeli o ñwala tshiñwe tshithu, bugu ye munna a sa i ñwale. Ndi a zwi ñivha. Mufumakadzi o ñwala iyo bugu, huno ndo ñivha uyo mufumakadzi. *Biting Of Devils*.

<sup>80</sup> Ngauralo nda—nda ri, “Zwo luga, zwino, tshithu tshithihi tshire nda do amba. Zwino, ndi nga di si tendelane na mushumeli, fhedzi ndi a elekanya, arali—arali mudzudzanyi wa iyi kholimu, arali a songo ṭola liñwalo lawe lwa khwine u fhira u amba uri uyu munna o nwala ili lianetshelwa, huno ndi a ñivha uri ho ngo zwi ita, ni a vhona, zwenezwo ndi khou ofha zwithu zwinzhi zwe a amba nga ha hoyu mushumeli zwe khakheya.” Huno zwenezwo nda amba hezwi, “Ndi nga ñamba nda wanala ndi tshi khou khakha, nga u lingedza u ita uri muñwe muthu a tshidziwe, u fhira u lingedza u thivhela muñwe muthu a no khou lingedza u ita uri muñwe a tshidzwe.” Iina.

<sup>81</sup> Ndi nga ñamba nda dzhia fhethu ha munna, tshifhinga tshiñwe na tshiñwe, u fhira u lingedza u sasaladza kana u thuthekanya zwine muñwe muthu a khou fhaṭa, naho vho—vho ita vhukhakhi kana vha ita tshihwe tshithu tsho khakheaho. Ngauralo ri fanela u sedzesu, ri ḥuṭuwedza vhañwe kha zwine ra ita.

<sup>82</sup> Zwenezwo musi uyu munna a tshi rwiwa nga aya mapele, musi a tshi takulelwa n̄tha nga u dihudza, heyi yo vha i ngudo khulu kha uyo muporofita muñku. O wanulusa, nga iyi i ngudo khulwane khae, uri Mudzimu u laya munna Wawe fhethu. Ni a vhona? Muthu a nga si kone u ñitela ndaela. Mudzimu u ñea munna Wawe ndaela. Mudzimu u ni ita zwine na vha zwone. Ni a vhona? Huno Mudzimu u laya munna Wawe, huno ha tei u lingedza u dzhia fhethu ha muñwe. Huno yo vha i ngudo kha

Yesaya, uri ho ngo fanela u vhea maṭo awe kha vhathu sa tsumbo. U fanela u vhea maṭo awe kha Mudzimu.

<sup>83</sup> Zwino ndi rine. Muthu muňwe na muňwe, muthu muňwe na muňwe u a ita phoswo. U a ita vhukhakhi ngauri ndi muthu. U ya pfuka na milayo ya Mudzimu. Huno u langwa nga zwithu zwinzhi, ngauri Saṭhane u a mu linga, nahone u tou vha muthu. Huno arali Mudzimu o vhuya a bvisa zwanda Zwawe, u do wa. Ndi zwenezwo fhedzi.

Huno ndo no pfa vhathu vha tshi ri, “Oo, Saṭhane a nga si kone u ita hezwo.”

<sup>84</sup> Ee, inwi itonu tendela Mudzimu u imisa tshanda Tshawe nga tshiňwe tshifhinga, huno ni sedze zwine zwa bvelela. Ndi... Ndi dzulela u humbela, “Mudzimu, u so ngo mu rumu. Nkhathutshelo. U bvise kha nne,” ni a vhona. Ndi—ndi ḥoda khathutshelo ya Mudzimu. Huno rothe ri a zwi ḥoda hezwo.

<sup>85</sup> Zwino ri wana uri, Yesaya, o ditika nga maanda nga tshanda tsha khosi yavhuđi, huno zwino tshanda tsho dzhiwa khae; huno khosi yo vha yo fa, nahone ya fa nga mapele, nga ḥoni. Zwino, Yesaya, nga tshino tshifhinga, khosi i tshi khou takulelwa n̄ha, zwo luga, zwenezwo murwa wayo muswa o vha a tshi tea u dzhia fhethu. Huno ri wanulusa uri—uri vhathu vho dzhena kha—kha tshimo tshi sa takadziho tsha vhuanda.

<sup>86</sup> Musi hu si na murangaphanda wa u ofha Mudzimu, zwenezwo vhathu vha thoma u vha vha si na mikhwa. Ndi elekanya uri iyo ndi yone thaidzo kha rine namusi, kha lushaka Iwashu, zwivhidzoni zwashu, na zwithu. Ri ḥoda vharangaphanda vha ofhaho Mudzimu, muňwe muthu a no nea tsumbo.

<sup>87</sup> Huno, fhedzi O tendela Yesaya u ḫivha hafha uri ho ngo kona tea sedza kha muthu. Ngauralo Yesaya, linwe ḫivha, musi a tshi tendeleka u mona, u tea u vha o neta tshothe, o ḫivha uri u na vhudifhinduleli vhuhulwane, o tsela fhasi thembeleni u rabela. Zwino itsho ndi tshithu tshavhudzi u tshi ita, kha rine rothe. U tsela fhasi thembeleni u rabela.

<sup>88</sup> Huno ri dzhiela nzhele musi o vha a tshi khou rabela fhasi kha aliṭari. Nga khathihi fhedzi, e muporofita, a wela ngomu ha bono. Huno, musi o ita, a sedza n̄ha huno a vhona Mudzimu, ene Khosi, yo dzula n̄ha-n̄ha, yo huliswa, i kha khulunoni Yawe, huno vhuhone Hawe ho dadza fhethu, ni a vhona. Zwenezwo a vhona tsumbo ya vhukuma. O vhona Muňwe ane a nga vheya fulufhelo khae, ane ha athu vhuya a rwiwa nga mapele, Muňwe ane a nga si kundelwe. Nga maňwe maipfi, O vha a tshi khou ri kha Yesaya, “Ni a vhona, inwi vheani fulufhelo lanu kha muňwe muthu, huno lo kundelwa. Inwi vheani zwanu... sedzani uyu muthu sa tsumbo, huno—huno a kundelwa. Zwino sedzani n̄ha Hafha, kha Nne, Ndi nne Mudzimu a sa kundelwiho.”

<sup>89</sup> Huno ndi—ndi elekanya uri izwo ndi zwine ra tea u ita namusi, sa vhalanda Vhawe, vha tshi tea u sedza Khae. Yesu ndi tsumbo yashu. Huno ri fanela u sedza Khae, Musimuli na Muvuledzi wa lutendo Iwashu.

<sup>90</sup> Zwino ri a wanulusa, kha ili bono, uri o vhona Mudzimu o takulelwa n̄ha kha khulunoni. Zwenezwo a dzhiela nzhele tshiñwe tshithu. Dzhielani nzhele, u mona Nae ho vha hu, huno thembeleni he A vha e hone, ho vha hu avha Vhaserafe vha Tađulu.

<sup>91</sup> Arali ni tshi do ṭola ilo ipfi, ndi elekanya uri li shumiswa fhedzi luthihi kana luvhili kha Bivhili. Huno a si—si Vhakerube, fhedzi zwi tsini na Vhakerebu. Tshiñwe tshithu tshi no nga Tshivhili tsha Vharuňwa; huno naho zwo ralo a si Muruňwa, huno ndi Muruňwa, fhedzi ndi Muthu wa tshipentshela. Zwine Vha vha zwone, Ndi vhone vha fhis i vha zwidzimu, kha Bivhili. Huno hune tshiṭhavhelo, a hu na zwiňwe, tsha disa ngomu kana tsha ranga phanda kha... tshi itela muitazwivhi ndila, uri a vhe vhakhethwa. Huno avha Vhaserafe vha tshi khou fhisa tshiṭhavhelo tsha tsha ṭodea, Vho—Vho ya kha... Uyo wo vha u mushumo Wavho.

<sup>92</sup> Huno hafha Vho vha vhe hone, vha tshi khou fhufha thembeleni musi Yesaya o vha e kha bono, huno thembele yothe ya dala vhutsi. Huno Vho vha vha tshi khou lila, Muňwe kha Muňwe, “Mukhethwa, mukhethwa, mukhethwa, ndi Murena Mudzimu Ramaandothe! Mukhethwa, mukhethwa, mukhethwa!” Oo, nga maňwe maipfi, “Hu na Tshiñwe tshithu tshire tshi sa kone u wa. Ngeyo tsumbo yanu. Kheyoyone Khosi ya u lavhelesa. Mukhethwa, mukhethwa, mukhethwa, ndi ene Murena Mudzimu Ramaando—the!”

<sup>93</sup> Huno ri wana zwino uri hezwi zwo vha zwi zwivhumbwa zwa phapha dza rathi. Huno zwino ri khou ya u guda mbuno nga u vha na phapha dza rathi. Vho vha vhe na, ri a wanulusa, uri Vho vha vhe na mbili kha tshifhaṭuwo Tshavho, nga n̄ha ha milenzhe Yavho, huno vho vha vha tshi khou fhufha nga phapha mbili.

<sup>94</sup> Zwino dzhielani nzhele, tsha u thoma, uri izwi zwivhumbwa zwo vha zwi tshi khou shumela Vhuhoneni ha Mudzimu. Huno uyo wo vha u mushumo Wavho, we wa vha u tshi khou vhidzelela, “Mukhethwa, mukhethwa, mukhethwa, ndi Murena Mudzimu Ramaandothe!” Huno Vha lila, masiari na vhusiku, Vhuhoneni Hawe, vhunga tshiṭhavhelo tshi henefho. “Mukhethwa, mukhethwa, mukhethwa, ndi Murena Mudzimu Ramaandothe!”

<sup>95</sup> Huno ndi ṭoda inwi ni tshi dzhiela nzhele tshiñwe tshithu hafha, huno na elekanya. Avho Vhaserafe vho vha vhe na phapha mbili kha zwifhaṭuwo Zwavho. Ndi ngani Vho dzi vhea kha zwifhaṭuwo Zwavho? Ngauri Vho vha vhe Vhuhoneni ha Mudzimu. Huno itonu elekanya, arali Vharuňwa vhakhethwa

vha tshi tea u fukedza zwifhatuwo Zwavho, Vhuhoneni Hawe, mini-ha nga riñe? Naa phapha kha zwifhatuwo Zwavho, dzo imela khuliso.

<sup>96</sup> Fhedzi, namusi, ri wana uri a hu na khuliso. Zwi a konda uri ni wane khuliso. A vha na ḥonifho ya Mudzimu. Vha ima nahone vha i mba *God Bless America*, na mulenzhe wavho tshipotoni. Huno zwo vhifha, nga ndila ine vha ita.

<sup>97</sup> Ndo ya u humbela sangwedzhi, ḥamusi, ngomu—ngomu fhethu. Huno mufumakadzi muṭuku, ndi sa khou ita tsumbedziso ngae, fhedzi ndo elekanya uri o vha a tshi khou fa. O vhonala a tshi nga u na tshilonda fhasi ha maṭo awe, o vha e na buluu u mona nae. Huno—huno a gidimela n̄tha, o ambara zwiambaro zwi si gathi fhedzi, huno a ri, “Naa ni ḫo vha na mini?”

<sup>98</sup> Nda ri, “Naa ni ḫo ndisela sangwedzi yone—yone—yone—yone—yone ngilasi ya mafhi?”

Huno a ri, “Bourbon” kha tshiñwe tshithu, luñwe lushaka.

<sup>99</sup> Nda ri, “Hai, mme. A no ngo mpfesesa.” Ndo ri, “Ndo ri, ‘mafhi.’”

Huno a ri, “Oo,” ha pfi, “naa ni nga si vhe na tshiñwe tshithu tsha u nwa?”

Nda ri, “Ndi khou ḫoda mafhi.”

<sup>100</sup> Huno a ri, “Zwo luga, vhoiñwi noṭhe, a ni ḫodi... Vhusiku ri shumela *mukenenene*.”

Nda ri, “Ndi mushumeli.”

<sup>101</sup> A ri, “Zwo luga, vhashu... Zwo ralo, vhotshifhe vhashu vha Katolika vho ḫa hafha nahone vha n̄wa.”

<sup>102</sup> Nda ri, “A—a thi tshifhe wa Katolika, mufumakadzi. Ndi—ndi khou ḫoda... ndi khou ḫoda ngilasi ya mafhi.” Zwo vhonala zwi tshi nga zwo akhamadza musadzi. O vha a sa ḫivhi zwe zwa vha zwi zwone. Ni a vhona?

<sup>103</sup> Huno shango ḫo dzhena fhethu ho raloho. Zwino arali tshifhe a dzhena ngomu huno a nwa, tshividzo tshi na pfanelo ya u nwa; ngeyo tsumbo yanu, ni a vhona. Yawee, nñe nñe, ndi u tshinyala-de hune ra khou tshila khaho! Ri ḫoda nn̄du i tshi balearale, ndilani yoṭhe u bva kha phuluphithi u ya kha... Iina. Ee, muñe wanga, zwa vhukuma ri a ralo. U tshinyala ha shango!

<sup>104</sup> Huno avha, hu si na khuliso, hu si na dzithompho! Vhathu namusi, a vha ḥonifhi Mudzimu. A vha na khuliso. Vha dzhia Dzina Lawe nga fhedzi, huno vha amba miswaswo ya tshika. Huno—huno na vhashumeli vha a ita izwo. Ni pfa yone—yone miswaswo, ndi a kholwa zwi ḫo luga. Fhedzi vhashumeli vha tea u vha dzitsumbo, ndi a elekanya, nga ha zwine zwa—zwa u luga na vhukhethwa. Huno ndi ngazwo ndi tshi elekanya uri khamusi a—a ri swiki phanda u fhira riñe; a ri, ni songo ḫa izwi,

vhufulufhedzei vhune ra tea u vha naho khaho. Musi ni tshi khou bvela phanda, na u ya phanda, ni xelewā nga iyo thoro ḥukhu ya vhufulufhedzei, inwi ni a ḏivha. Hu na tshiñwe tshithu nga hazwo.

<sup>105</sup> Ni fanela u elelwa uri Mudzimu o ni sedza, awara iñwe na iñwe. U a ni linda musi no edela. Zwino, ndi elekanya uri tshi itisaho uri vhathu vha ite izwo zwithu ndi ngauri, vha—vha—vha, a vha pfi Vhuhone Hawe, ni a vhona. Fhedzi naho zwo ralo U heneffo, kana ni elekanya uri U hone kana hai. U vhona u sedza huñwe na huñwe hune na ita, na mutshimbilo muñwe na muñwe—muñwe na muñwe une na ita. U ḏivha zwothe nga hazwo. Fhedzi ri tea u limuha hezwo.

<sup>106</sup> Ro vha ri tshi anzela u vha na luimbo luñuku, musi ndi tshi thoma u ḏa vhukati ha Vhapentekostała, vho imba:

Ho̤the ndilani muyani ndi a Dzula,  
Hu na I̤to li̤ no khou ni sedza;  
Liga liñwe na liñwe line na dzhia, heli Li̤to  
liñulu lo̤ karuwa,  
Hu na I̤to li̤ no khou ni sedza.

Ni a vhona? Ni a elelwa luimbo? [Tshivhidzo tshi ri, “Ee.”—Mudz.] Zwino izwo ndi ngoho.

<sup>107</sup> Mudzimu u mudalahithe u ḏivha zwine na khou ita, na ngelekanyo dzanu. Nga tshiñwe tshifhinga musi ndo vha ndi kha bono, ndo vha ndi tshi khou amba na Tshivhili tsho imaho tsini hanga; huno A ri murahu, O ri, “Ngelekanyo dzanu dici ntha ngei Mañadulu u fhira zwine ipfi lañu la vha zwone kha lifhasi.” U ḏivha zwine na khou elekanya. Inwi ni nga di ri inwi—inwi itani *itshi*, huno inwi na ita *itsho*, nahone *tshone*, fhedzi, inwi ni a vhona, fhasi mbiluni yañu, arali ni tshi elekanya lwo fhambanaho, ni khou—ni khou ita tshiñwe tshithu tsho khakheaho. Ni tea u vha zwine na vha zwone, ni a vhona, mbi—mbilu. Mulomo u fanela u amba zwi re mbiluni. Ni a vhona? Huno ngauralo ri wana uri vhathu a vha limuhi vhu—Vhuhone ha Mudzimu.

<sup>108</sup> Ni a ḏivha, vha tea u fana na Dafita, munna o vha e nga murahu ha mbilu ya Mudzimu Ene muñe. A ri, “Murena u phanda hanga tshifhinga tshothe.” Huñwe na huñwe hune a ya, u elelwa uri tshifhinga tshothe Mudzimu u phanda hawe. “U kha tshanda tshanga tshaula, huno a thi nga dzinginyiswi,” ngauri Mudzimu u kha tshanda tshawe tshaula.

<sup>109</sup> Khuliso! Ri tea u hulisana, u ḥonifhana, sa mukomana, khaladzi. Huno funanani, nga lufuno lu sa fi. Inwi ni ri, “Zwo luga, ndi nga si tou kona.” Zwo luga, itanu dzula *hafha* lwa tshifhinga tshilapfunyana, huno zwenezwo ni do takalela vhathu, na inwi—vho. Ni do funa avho vha sa ni funi. Itsho zwa vhukuma ndi tshiga tshavhuđi tsha Vhukriste: musi ni tshi kona,

u bva mbiluni yanu, funa avho vhane vha sa ni fune. Funani vha sa funei.

<sup>110</sup> Yesu o ri, “Arali ni tshi do tou takalela avho vha ni takalelalo, zwo ralo, vha sa tendi vha ita zwithihi.” Fhedzi, ni a vhona, ni tea u vha wa vhulenda kha avho vha sa ni ite tshithu. Itani zwivhuya kha havho vhane vha do ita zwivhi kha inwi. Dzulelani u elelwa hezwo. Dzudzani hezwo phanda hanu, uri Mudzimu u khou ni lavhelesa. Elelwani, Mudzimu o vha e wavhudi kha inwi musi no vha ni muvhi Khae. “Musi ni tshi kha di vha vhaitazwivhi, Kristo o ni fela.”

<sup>111</sup> Zwino ri wanulusa, uri, hedzi phapha kha zwifhātuwo Zwavho ho vha ngauri Vho vha vha Vhuhoneni ha Mudzimu, vha na thonifho. Huno arali Muserafe mukhethwa a tshi tea u dzumba tshifhātuwo Tshawe murahu ha tshifuko tsho khetheyaho, Ene ane a sa divhe tshivhi, ho ngo vhuya a tshinya, fhedzi naho zwo ralo Vhuhoneni ha Mudzimu Mukhethwa u tea u dzumba tshifhātuwo Tshawe tshikhethwa Vhuhoneni ha Mudzimu, naa muhoi u khou yo itani nga ilo Duvha? Naa o guneaho u khou yo itani nga ilo Duvha? Naa u sa ofha Mudzimu hu khou yo itani nga ilo Duvha, musi ni tshi da? Huno ni khou do tea u livhana Nae.

<sup>112</sup> Hu na tshithu tshithihi fhedzi. Inwi ni ri, “Fhedzi na kathihi Ho ngo nnyita phapha dza u fukedza tshifhātuwo tshanga.” Fhedzi O shulula Malofha a Murwa Wawe Ene muné, uri ni kone u fukedza tshifhātuwo tshanu. Izwo ndi zwone. Üho ndi hone u fukedza fhedzi he A vha naho ha lushaka lwa vhathu, ndi Malofha a Yesu Kristo.

<sup>113</sup> Zwino, tsha vhuvhili, Vho vha vhe na milenzhe Yavho yo fukedza nga dziphapha, fhasi ha milenzhe yavho. Zwino izwo zwi imela u ditukufhadza. Oo, hu na ipfi lo xelaho namusi, kha vhathu vhanzhi. U ditukufhadza Vhuhoneni Hawe. Ri a ditukufhadza Vhuhoneni Hawe.

<sup>114</sup> Ndo vhona Muya Mukhethwa u tshi dzhena ngomu lufherani huno—huno a ita nahone a ita zwithu kokotolo zwe Bivhili ya amba uri U do zwi ita, vhutalukanyi, huno ndo no vhona vhathu vha tshi takuwa nahone vha bva. Ndo no vhona vhathu vha tshi dzula huno vha amba, nahone vha sea nahone vha tamba Ngalo, musi li tshi khou bvela phanda.

<sup>115</sup> Ndi elelwa vhuñwe vhusiku, mushumeli o disa vha fumbilimalo vha tshivhidzo tshawe, huno a dzula. Uyu wo vha u ngei Jonesboro, Arkansas.

<sup>116</sup> Huno vha vhe na mutukana wa tshifakhole, o vha e na tshifakhole. Huno uyo ndi diabolo. Ndi diabolo. Izwo ndi zwine zwa vha zwone. A vha divhi, madokotela ha divhi uri zwi itani. Ndi—ndi diabolo. Huno vha vhea...o vha a na phekhis i na—na—na lulabi lwo pombiwa u mona nayo; musi o vha e na izwi tshifakhole, vho vha vha tshi do zwi posela mulomoni wa

mutukana, ngauri o vha a tshi do ṭafuna lulimi lwawe nga u ralo. Huno vha q̄isa mutukana n̄ha, huno—huno o vha e na iyi tshifakhole henefho kha pulatifomo. A hu na zwiñwe, musi vha tshi nyanyulea zwiñuku, vha do dzhena kha tshithihi. Ngauralo musi ri tshi khou lúgisela u rabelela mutukana, nda ri, “Muñwe na muñwe u do kotamisa zwifhañuwo zwawe nga khuliso?” Huno nda—nda mu rabelela, huno mu—muya wo vha u si nga ṭutsheli mutukana.

<sup>117</sup> Huno nda sedza u mona hoñhe, huno nda vhona tshigwada tshiñuku tsho dzula fhethu. Nda ri, “Naa ni do kotamisa tshifhañuwo tshanu?” Nda ri, “U tea u thetshelesa.” Nda ri, “Iyo yo vha ndaela, ‘Arali na ita uri vhathu vha ni tende, huno zwenezwo ivhani a fulufhedzeaho musi ni tshi rabela.’” Nda ri, “Naa ni do kotamisa tshifhañuwo tshanu?” Uyo muthu o tou ntsea.

<sup>118</sup> Huno ngauralo nda rembuluwa, fhedzi, hezwi, zwo vha zwi sa do ṭutshela mutukana. Huno zwino izwi zwo vha zwi zwa mađana a vhathu, kañanu ha vho dzulaho hafha madekwana a ñamusi, vho dzula henefho, ee, zwifhinga zwinzhi. Vho amba uri ho vha hu na vhathu vha zwigidi zwa fumbilimalo henefho. Ngauralo—ngauralo ho vha hu na—ho vha hu, vhoñhe vho vha . . .

<sup>119</sup> Huno zwenezwo nda ri, “A—a thi nga do ita hezwo, muñe wanga.” Huno o vha e wa tshi—tshiyhidzo tsha dinomineisheni tshe tsha tou sea fhedzi phodzo ya Muya, a vha tendi uri hu na tshithu tsho raloho.

<sup>120</sup> Ngauralo nda sedza u mona hoñhe. Uyo mutukana a ṭungufhadzaho, mukulo wawe wo bvela nn̄da. Huno mme awe vha tshi khou lingedza u huwelela, vhone vha tshi lila nga u ralo. Huno mutukana a tshi khou lingedza u mila, na u bvela phanda.

<sup>121</sup> Nda ri, “Khotsi wa Tađulu, u songo tendela uyu mutukana a si na mulandu a tshi tea u tambulela itsho tshigwada tshi na mulandu, ni a vhona.” Nda ri, “Ilo lo vha li Lanu—Ipfí Lau, huno ndo—ndo vha wa vhungoho nahone nda vha vhudza. Huno vhanzhi nga maanda vha tshifakhole vho fhodzwa fhano muñanganoni.” Nda ri, “U songo tendela uyu mutukana a si na mulandu a tshi tea u tambula. Mme na khotsi vho mu q̄isa fhano. Ndi rabelela khathutshelo.”

<sup>122</sup> Zwenezwo nda rembuluwa, nda ri, “Nga Dzina la Murena Yesu, nga lutendo, nga ndaela yanga ye nda newa nga Mudzimu Ramaandaoñhe, uyu diabolo a nga si kone u fara uyu mutukana. No vhofholowa, ni a vhona. Arali vha sa pfi vha do vha vha sa pfi, zwenezwo no vhofholowa kha u ya khavho, fhedzi ibvani kha uyo mutukana.”

<sup>123</sup> Huno nda vhona vhathu vha fumbilimalo, vhe na mufunzi wavho, vha tshi wela ngomu ha tshifakhole, henefho u mona na u mona, na u mona na u mona, kha luvhande lu ngaho ulu. Huno u ya nga hune nda zwi ñivha, vha kha di vha nazwo, ni a vhona.

<sup>124</sup> Zwino, ni a vhona, a no ngo fanela u vha a si na khuliso. Ni fanela u dītukufhadza. Ndi vhangana vha vhoinwi vhe na vha ni miṭanganoni huno na vhona zwithu zwi fanaho zwi tshi itea kha miṭangano yanga? U tou, ngani, ni a vhona. Zwo tou ralo. Ee, muṇe wanga.

<sup>125</sup> Nga tshiñwe tshifhinga vha disa munna u nnyededza khofhe dza khole-khole. Ndi a humbułela uri vhangana vha vhoinwi vhe na vha ni miṭanganoni huno na vhona zwithu zwi fanaho zwi tshi itea kha miṭangano yanga? U tou, ngani, ni a vhona. Zwo tou ralo. Ee, muṇe wanga.

<sup>126</sup> Ni nga vha doba tshifhinga tshothe na uho u timatima. Vha elekanya uri a vha ralo. Ho vha hu hone. Ni nga zwi pfa. Zwo fhambana.

<sup>127</sup> Ngauralo zwenezwo nda kona u amba he zwa vha zwi hone, fhedzi ndo kundelwa u vhona heneffo he munna a vha e hone. Nga murahu ha tshifhinganyana, nda li wana huno nda vhona zwe la vha li zwone. Nda sedza ilo swiswi lo nembelela khae. Huno a tho ngo ḥoda u amba hezwo, fhedzi nda sokou rembuluwa khae, nda ri, “Nwana wa diabolo,” ni a vhona, “ndi ngani diabolo o zwi vhea thalukanyoni yanu u ita izwo? Ngauri o ita hezwo,” Tshiñwe tshithu tsho vha tshi tshi khou zwi amba kha nne, “vha do ni bvisa hafha.” Huno u kha di vha o oma mirado. Ni a vhona?

Luñwalo na ḥedere, “Idani khae!”

<sup>128</sup> Nda ri, “Tshithu tshi tshothe tshine nda ḫivha, ndi u shanduka. Ni a vhona, na kathihi izwo a tho ngo zwi ita. Uho ho vha hu u sa hulisa hanu phanda ha Mudzimu.” Ni a vhona? Zwino ni songo ita hezwo. Ri . . .

<sup>129</sup> Ro da zwifhinga zwine vhathu vha elekanya uri uvhu vhukhethwa phanda ha musi Mudzimu a tshi tou vha luñwe lushaka lwa u hoyo, kana luñwe lushaka lwa tshi—tshivhalonyana tsha vhathu vhangana vha sa ḫivhe, luñwe lushaka lwa vhukhelawi kana tshigwada, kana tshiñwe tshithu. Fhedzi i ri ni ndi ni fulufhedzise, mukomana! Hu nga di vha na u holedza hunzhi. A—a thi khou ri a hu na; ndi—ndi—ndi nga si kone u amba hezwo. Ndi tou vha munna. A thi tei u haṭula. Ndi tou vha wa u rera. Fhedzi hu na Muya Mukhethwa wa vhukuma, Maanda a vhukuma a vhuapostola a Muya Mukhethwa. Huno kha mashango asili, na ḫanga na zwithu zwi tshi takuwa, avho vhodiabolo, u itela khaedu. Oo, arali ra nga tou . . . ndi do vunda theroyanga hafha, u ya u ni vhudza nga ha hezwo zwithu. Huno mini? Muya Mukhethwa, na kathihi a thi athu vhuya nda Mu vhona a tshi kundelwa u zwi ita. U do zwi ita tshifhinga tshothe.

<sup>130</sup> Dzhielani nzhele zwino, vho vhea, vha na dziphapha kha milenzhe yavho u itela u dītukufhadza. A ri takaleli u gwadama. Ri khou ḥoda u elekanya uri ri muñwe muthu.

<sup>131</sup> Ndi a elelwa hafha zwi si zwa kale, ndo vha ndi muziamu muñuku, huno—huno vho vha vhe na ḥho—nyandadzo ya munna a tshi khou lemela phaundu dza dana na futhanu, zwe muvhili wawe wa vha u tshi edana kha dzikhemikhaļa. Ndi tenda uri ho vha hu sente dza fumaloīna, munna a tshi khou lemela phaundu dza ḥana na fuñhanu, khemikhaļa dzawe—dzawe dza muvhili wawe. O vha e na khalishiamu, huno na—na galaga ḥukhu yo edanaho khamusi ya shasha tshiṭaha tsha phambo, na zwiñwe-vho. Izwo ndi nga ha zwe a—a vha e nazwo, a tshi lemela phaundu dza ḥana na fumaloīna... kana ndi amba sente dza fumaloīna, dzi tshi vho leđa phaundu dza ḥana na fuñhanu.

<sup>132</sup> Ho vha hu na vhanna vhavhili vhaswa vho imaho henehfo, vho sedza hezwi. Huno ndo vha ndo ima henehfo murahu havho, vhunga muñwe wavho o amba, “Zwo luga,” ha pfi, “Yohane, a ri na ndeme nga maanda ītali, naa ri ralo?” Huno a ri, “Ndi a humbulela uri a ro ngo ralo.”

<sup>133</sup> Huno nda ri, “Zwo luga, vhatukana, izwo ndi ngoho, ni a vhona, a ni na ndeme nga maanda kha dzikhemikhaļa. Fhedzi ni na myua ngomu haňu, ni a vhona, une wa ḥura mashango a a milioni, ni a vhona.” Ndi zwone. Ni a vhona?

<sup>134</sup> Fhedzi naho zwo ralo ri—ri khou ḥoda u vha na ndavha, ri wana u dihudza kha sente dza fumaloīna, vha i putela nga dzhasi la ḥolara dza mađana mađanu, huno—huno ra imisa ningi dzashu muyani, nahone ra elekanya uri ri khou—ri khou ita tshiñwe tshithu. A thi khou amba u swaswa. Hezwi a si miswaswo. Hezwi, hezwi zwi tou ni vhudza zwine ra vha zwone. Ni a vhona, ri—ri khou—ri khou... .

<sup>135</sup> A ri na u dītukufhadza. A ri ḥodi, huno vhatu a vha ralo. Ni ya tshiñwe tshifhinga kha vhatu vho ambaraho zwavhuđi tshivhidzoni, vha—vha do dzhena ngomu; huno arali ni songo ambara nga ndila yone, vha do ni sedza nahone vha amba, ni a ḥivha. Huno zwi ita zwavho... A vha tei u ita hezwo, na u bula Vhukriste. Ndi—ndi—ndi elekanya uri hu tou vha fhedzi u bula nahone hu si ndaulo. Ngauri ndi a tenda uri tshone—tshone tshenzhemo tsha tshifhinga tsha kale na Mudzimu huno u do ita badzhi huno a vheya zwanda zwawe kha phere ya maavorolo, huno a ri, “mukomana.” Ndi—ndi a zwi tenda zwa vhukuma. Ndi ngoho. Rokho ya khalikho i na siliga, i do vhidza, “khaladzi.” Ee, muñwe wanga. Ngauri, a si zwiambaro, a si muthu. Ndi Kristo, a re nga ngomu, huno ri tea u dītukufhadza.

<sup>136</sup> Zwino ri wanulusa uri, ndi zwone, avha Vharuñwa vho fukedza milenzhe Yavho, kana avha Vhaserafe.

<sup>137</sup> Mushe, musi o vha e Vhuhoneni ha Mudzimu, uri, mu sedze nga iyo Khavhu ya Mulilo ye ya vha i murahu tshiṭakani tshi

dugaho, Murena o amba. Huno muňwe na muňwe u a divha uri iyo Khavhu ya Mulilo yo vha i Kristo, O vha e Muruňwa wa Mulanga. "Mushe o furalela Egipita, a dzhiela n̄tha u nyadziwa ha Kristo hu lupfumo luhulwane u fhira ulwo lwa Egipita." Ngauralo, Ho vha hu Muruňwa wa Mulanga. Huno musi A tshi bvelela kha itsho tshițaka tshi dugaho nga thungo, mulandu, phanda ha Mushe, huno Ipfi la ri, "Bvula zwienda zwau." Milenzhe yaňu, ni a vhona. "Bvula zwienda zwau, ngauri mavu ane wa ima khao ndi makhethwa." Mushe o d̄itukufhadza, nga u bvula zwienda zwave.

<sup>138</sup> Khavhu ya Mulilo yeneyo nthihi yo bvelela kha Paulo ndilani ya u ya Damaseko, linwe d̄uvha.

<sup>139</sup> Ni a elelwa, Yesu, musi O vha e kha lifhasi... Vho ri, linwe d̄uvha vha ri ho vha hu na... Kha Yohane Mukhethwa 6, vho vha vha tshi khou řwa u bva tshisimani, nahone vha tshi pembela. Huno A ri, "Ndi, Ndi ayo Mađi ane a bva kha ilo Tombo. Ndi nne Tshinnkwa tsha Vhutshilo tshi no bva Tađulu," ni a vhona, nga u ralo.

<sup>140</sup> A vho ngo kona u zwi tenda. Vha ri, "Mulandu, hafha! Ri a divha uri U na diabolo, huno U a penga," zwi amba *tshipengo*. "Ngauri, A u athu fhirisa miňwaha ya fuňhanu, nahone U ri Wo vhona Abrahamu?"

A ri, "Phanda ha musi Abrahamu a tshi vha hone, NDI NNE. Ee, NDI NNE."

<sup>141</sup> Zwino ri a zwi vhona hezwo, zwauri Yesu o ri, "Ndi bva ha Mudzimu. Ndi ya ha Mudzimu." Musi iyi Khavhu ya Mulilo yo itwa ñama, Mudzimu a tshi bva kha Vhukhotsi, [A hu na tshithu kha theiphi—Mudz.]... U vha murwa, na musi A tshi da kha hetshi tshivhumbezo. Zwibveledzwa zwiraru; Khotsi, Murwa, na Muya Mukhethwa. Musi Mudzimu a tshi vhonadzwa ñamani, O ri, "Ndi bva ha Mudzimu. Huno Ndi ya ha Mudzimu," huno A gonya n̄tha.

<sup>142</sup> Huno—huno Saulo wa Tharasisi, ndilani yawe ya u tsela Damaseko, o rwelwa fhasi nga Tshedza. Huno musi o ita, a sedza n̄tha. Huno uyo Muyuda o vha a tshi do vha a songo vhidza tshinwe tshithu "Murena" arali A songo vha iyo Khavhu ya Mulilo. O vhona itsho Tshedza heneffo, huno a ri, "Murena, Iwe u Nyi?"

A ri, "Saulo, zwi a u konđela u raha mipfa."

Huno a ri, "U Nyi, Murena?"

A ri, "Ndi nne Yesu." Ni a vhona, Khavhu ya Mulilo hafhu.

<sup>143</sup> Sedzani Saulo, o d̄itukufhadza tshikani, ni a vhona, Vhuhoneni ha Mudzimu. Ú d̄itukufhadza! Mu wisela fhasi, o edela nga mučana khamusi, o sedza n̄tha.

<sup>144</sup> Huno iyo Khavhu ya Mulilo i tshi khou tshimbila u mona heneffo, a vhona nahone a divha. Sa mudededzi a bvaho fhasi ha

Gamaliele, mudededzi muhulwane wa ilo duvha, o zwi divha uri Mudzimu o ranga phanda vhathu Vhawe nga tshivhumbeo tsha Khavhu ya Mulilo. Huno uyo Mulilo, Khavhu ya Mulilo, wo itwa nama nahone wa dzula vhukati havho, nahone wa vhambiwa kha zwivhi zwavho, “huno Ndi bva ha Mudzimu; huno nda humela murahu kha Mudzimu,” huno hafha O vha a hone, fhedzi nga Dzina la Murena Yesu.

<sup>145</sup> Huno zwenezwo ri wana kha izwo, nga murahu ha hezwo, Yohane Mulovhedzi, muhulwanesa wa vhaporofita vhothe. Vhaporofita vhothe vho amba nga ha u da Hawe; Yohane o ri, “Uyu ndi Ene.” Ene, o Mu divhadza kha shango. Huno Yohane o ima heneffho madini, musi a tshi khou lovhedza, huno o-o vha a tshi khou ri, “Hu khou da tshifhinga tshine tshi thavhelo | tsha duvha na duvha tsha do dzhiwa thembeleni, huno hu do vha na Munna a no do vha tshi thavhelo |.” Huno Yohane o vha e na ngoho ya uri u khou yo vhona Mesia.

<sup>146</sup> Ni a vhona, musi Yohane o vhidzwa, khotsi awe vho vha vhe tshifhe. Fhedzi kanzhi mutukana a tevhela, nga ayo maduvha, huno a ita kha vha Vhubvaquvha, mushumo wa khotsi awe. Huno nga ndowell o vha a tshi do vha e tshifhe. Fhedzi na khathihi Yohane ho ngo ya tshikoloni. Ngauri, Yohane o bebwa, u bva mbumbeloni ya mme awe, “o dala nga Muya Mukhethwa.”

<sup>147</sup> Musi, Elisabetha o dihwala huno lushie lwo fa mbumbeloni yaye. Musi Maria o daleta nga Muruwa, Gabriele, huno a mu vhudza uri muzwala wawe Elisabetha, we a vha o no fhira kha u beba, na ene u do dihwala. Huno Maria a gidimela ntha u tangana nae. Huno o vha o no qidzumba, huno a vhilaela ngauri lushie lwo vha lu songo sudzuluwa lwa miñwedzi ya rathi, huno izwo ndi zwa tthisadzini zwi re na mapone. Huno ngauralo a vhona Maria a tshi khou da, a gidimela nnnda huno a tangana nae, huno a mu kuvhatedza. Huno vha ri, vha thoma u amba. Huno—huno vha ri, “Ndi a divha uri vho vha vha tshi khou yo vha mme.” A ri, “Ee, huno ndi—nne ndi khou yo vha mme, na nne-vho.”

“Oo, ndi a humbulela inwi na Yosefa no malana.”

“Hai, hai. A ri athu malana.”

“Huno ni khou yo vha mme?”

<sup>148</sup> “Iina. Muya Mukhethwa wo ntsiradza, huno wa amba uri Tshithu Tshikhethwa tshine tsha do bebwa nga nne, kha nne, a tshi do vha Murwa wa Mudzimu, huno ndi tea u vhidza Dzina Lawe ‘Yesu.’”

<sup>149</sup> Huno nga u tanganya fhedzi ilo Ipfi “Yesu” lo ambiwa lwa u thoma kha mulomo wa muthu, lushie lwe lwa vha lu sa athu vhuya lwa vha na vhutshilo khalwo, u swika zwino, lwo tanganedza vhutshilo mbumbeloni ya mme alwo huno lwa thoma u fhufha nga dakalo. Huno arali Dzina la “Yesu Kristo” li tshi do disa vhutshilo kha lushie lwo faho, U tea u ita mini kha

tshivhidzo tsho bebwaho hafhu tshine tsha ri tsho dadzwa nga Muya Mukhethwa? Ni a vhona?

<sup>150</sup> Zwino naa uyu mutukana u tea u vha mutukana wa lushakade? O vha a tshi khou yo divhadza Mesia a daho. Maleaxi 3 yo ri u do ralo. “Vhonani, Ndi ruma murumiwa Wanga phanda ha tshifhaṭuwo Tshanga.”

<sup>151</sup> Zwino, arali o vha a tshi do tsela fhasi kha seminari, vhañwe vha avho vhashumeli henengei fhasi, vho ri, “Zwino, Yohane, u tea u divhadza Mesia, mulandu, ni—ni a divha uri Malume Joe hafha, kana—kana—kana Khotsi Jim, kana vhañwe vhavho, ni a divha u na zweṭhe zwi—zwi—zwiṭaluli zwa u vha Mesia, uyo ndi ene, Yohane,” uri—uri... ni a vhona, o vha a tshi do ṭuṭuwedzwa nga munna.

<sup>152</sup> O ya sogani, huno a dzula na Mudzimu. Iyo ndi seminari ya khwinesa ine nda i divha. Ngauri, mushumo wawe wo vha u wa ndeme nga maanda kha vhañwe vhanna uri vha mu vhudze, huno vha mu bvisa a mu isa kha mafhungo mahulu a matshilisano. Ni a vhona, o vha e na mu—mushumo, o vha o tumulwa u itela tshiñwe tshithu. Huno Yohane o zwi divha uri musi a tshi bva, a tshi rera, zwauri Mesia o vha e kha liphasi tshifhingani itsho.

<sup>153</sup> Vhunga zwi na vhuṭanzi uri avho vhanna vha vhuṭali vho divha, musi vha tshi lavhelesa fhasi u bva ngei Babele huno vha vhona ḥaledzi tharu kha mutala, itsho tshiga tsha uri Mesia o no di vha kha liphasi. Ndi ngazwo vho vha vha tshi khou lila, “U gai, o bebwaho a Khosi ya Vhayuda?” Huno tshivhidzo tsho vha tshi si na phindulo. A vha nayo ḥamus. Yone Bivhili ndi yone ine ya vha nayo. Ipfi la Mudzimu ndi lone ḥine la vha nayo. ndi zwone.

<sup>154</sup> Ri a wanulusa, kha zweṭhe, uri Yohane o do tea u divhadza Mesia. Huno o vha e na... O vha a tshi do divha fhedzi uyo Mesia nga tshiga. Iyo ndi ḥilā ye a divha Mesia. Iyo ndi yone ḥilā i yothé ine Mudzimu a vhuya a Didivhadza; nga tshiga tsha Luñwalo. Huno a lavhelesa. A ima heneffo, a ri...

Vha ri, “Naa ndi iwe Mesia?”

<sup>155</sup> A ri, “Hai. A tho ngo vhuya nda fanela u kwama zwienda Zwawe.” A ri, “Fhedzi Ndi Ene... Hu na Muñwe o imaho vhukati hanu.”

<sup>156</sup> Yawee, nne nne, ni songo elekanya uri ndo takala! Ndi divha hune nda vha hone. Hai, fhedzi zwi tou pfala zwi zwavhudzi musi ndi tshi swika hune nda elekanya nga ha izwo, ni a vhona, “hu na Muñwe vhukati hanu.” Huno ndi amba hezwo madekwana a ḥamus. Hu na Muñwe vhukati hanu, Muya Mukhethwa muhulu wo fulufhedziswaho u shululelwa nnnda nga ḫuvha la u fhedza. Ndi vhona tshiga Tshawe tshi sa fhidzi, huno ndi a divha uri Ene ndi Mesia ngauri U kha di vha tshiga tsha Mesia.

<sup>157</sup> Henefho A ima vhukati havho. A ri, “Hu na Muńwe vhukati haṇu. A tho ngo fanela u kwama zwienda Zwawe, u vhofholola zwienda Zwawe. Ndi ene Ane a ḫo lovhedza nga Muya Mukhethwa na Mulilo.”

<sup>158</sup> Huno ḥinwe ḫuvha, vha tshi khou tshimbila vhukati havho ha bva Munna zwawe, a bvela nn̄da. Yohane a sedza n̄tha, huno a ri, “Vhonani, ngeyo Ngwana ya Mudzimu i no ḫusa tshivhi tsha shango.” Huno musi o ita, a vhona. A ri, “Ndo Mu ḫivha ngauri ho vha hu na tshiga tshi no khou Mu tevhela.” Huno sedzani hafha, hu na vhanna vhavhili vhahulwanesa ḫifhasini, vho imaho vho livhana nga zwifhaṇuwo. Yohane . . .

<sup>159</sup> Ndi eelwa Dokotela Roy Davis, we a odeina tshivhidzoni tsha Vhurumiwa ha Baphuthisi, o ri, “Ni a ḫivha, zwe zwa bvelela henefho, Billy,” ha pfi, “zwe zwa bvelela . . .”

<sup>160</sup> Musi Yohane o ri, “Ndi na ḫodea ya u lovhedzwa nga Iwe, huno ndi ngani U tshi da kha n̄ne?” Sedzani u ḫitukufhadza ha Yohane. O ri, “Ndi—ndi na ḫodea ya u lovhedzwa nga Iwe, ndi ngani U tshi da kha n̄ne?” Ho vha hu na Mesia na muporofita Wawe, zwa ndeme zwa ḫuvha, zwa ndeme zwa Bivhili, zwo ima henefho, Muńwe o sedza muńwe. Yohane nga u ḫitukufhadza, o ri, “Ndi na ḫodea ya u lovhedzwa nga Iwe, ndi ngani U tshi da kha n̄ne?”

<sup>161</sup> Yesu o ri, “Litsha izwo zwi tshi vha nga u ralo, ngauri zwo ri fanela u khunyeledza zwoṭhe zwo lugaho.” Huno, ha pfi, Yohane o Mu kondelela.

<sup>162</sup> Ndi eelwa Dokotela Davis. A nga ḫi vha e hone o dzula. Dokotela Davis, hu si u posela izwi kha iwe, fhedzi ndi—ndi—ndi . . . A ri, “Yohane, tsha u thoma Yesu o lovhedza Yohane, ngauri Yohane o vha a songo lovhedzwa.” Huno zwenezwo ha pfi, “Zwenezwo Yohane a lovhedza Yesu.” Izwo na khathihi a zwo ngo tou da henefho kha n̄ne.

<sup>163</sup> Ngauralo ḥinwe ḫuvha musi Muya Mukhethwa wo vha u tsini, na kha bono, nda vhona zwe wa vha u zwone.

<sup>164</sup> Ho vha hu na Yohane na Yesu, vho ima vho livhana zwifhaṇuwo, muporofita ane Ipfi la da khae. Huno Ipfi ḫo da kha muporofita. Amen. Huno A ri, “Zwi litshe zwi vhe nga u ralo. Zwo vha zwo luga. Zwi litsheni. Fhedzi zwo ri fanela u khunyeledza zwoṭhe zwo lugaho.” Muporofita o zwi ḫivha uri iyo yo vha i Ngwana, huno Ngwana i fanela u ḫanzwiwa I sa athu ḫekedzwa. Amen. Ngauralo o zwi ita. Ni a vhona izwo? Muporofita, e Ipfi, huno ḫo da khae. [Khaladzi u amba nga dzindimi, murathu u ḫalutshedza—Mudz.] Amen.

<sup>165</sup> Yohane, muporofita, Ipfi ḫi da kha muporofita Wawe, ni a vhona, huno Ipfi ḫi da kokotolo kha muporofita. “Zwi khou vha,” i amba uri zwi ya ri ḫombetsha, zwine zwa amba, “zwi vha kha riṇe uri ri khunyeledza u luga hoṭhe.”

<sup>166</sup> Oo, nga ndila ye nda vha ndi tshi nga sia linwalwa zwino lwa muniti, nga ndila ine zwa khou vha kha riñe u khunyeledza zweþhe zwe lugaho! Awara i fhano, tshinwe tshithu, ri fanela u khunyeledza zweþhe zwe lugaho. Ri ðivha zwine ra tea u ita. Ni a vhona, ri tea u zwi ita, izwo ndi zwone, tendani nga mbilu dzashu dzoþhe.

<sup>167</sup> Dzhielani nzhele, zwenezwo, ri wana uri Yohane o ðitukufhadza Vhuhoneni ha Mudzimu.

<sup>168</sup> Tshi re hone ndi, vhatu, mukomana wanga, khaladzi, na khonani, vha tea u limuwa u vha mutuku. Ni a vhona? Ni songo limuwa uri ni muhulwane hani. Ivhani a limuwaho uri ni muþuku hani. Ni—ni muþuku. Roþhe ri nga iyo ndila. Mudzimu a nga ita a si na rine, fhedzi ri nga si kone u ita ri si Nae. Ni a vhona? Ni a vhona? Rine, ri nga si kone u ita ri si Nae, fhedzi A nga kona u ita hu si na rine.

<sup>169</sup> Mudzimu u khou lingedza fhedzi u wana muthu muthihi ane A nga mu wana zwandani Zwawe. O dzulela u lingedza u ita hezwo. Ni dzhiela nzhele, u tsa fhasi na Bivhili yoþhe, musi A tshi wana Yesaya, musi A tshi wana Yeremia. Zwenezwo A wana—A wana Simisoni, linwe duvha; fhedzi Simisoni o nea nungo dzawe kha Mudzimu, fhedzi o ñekedza mbilu yawe Delila. Ni a vhona, o . . .

<sup>170</sup> Ni tea u nea zweþhe zwanu kha Mudzimu; khuliso yañu, thompho dzanu, tshinwe na tshinwe tshine na vha tshone. Itonu vha a si tshithu, itonu vhona uri ni muþuku hani, huno izwo ndi zwine Mudzimu a þoda ri tshi zwi ita. Huno uho ndi u ðitukufhadza ha vhukuma. Iyo ndi ndila ine avha Vhaserafe vha vha ngayo Vhuhoneni Hawe, ni a vhona, na tshifhaþuwo Tshavho tshi kha khuliso, tsho fukedzwa; milenzhe Yavho, nga u ðitukufhadza.

<sup>171</sup> Zwino, tsha vhuraru, Vha kona u fhufha. Vho vha vhe na phapha mbili dze dza Vha dzenisa kha nyito.

<sup>172</sup> Mudzimu u khou sumbedza muporofita Wawe hafha uri ndi mulanda-de we A mu lugisa, a tshi hulisa, a tshi ðitukufhadza, na kha nyito. Izwo, ni a vhona, uyo ndi mulanda wa vhukuma wa Mudzimu, avha vha no Mu sedza. O vha a tshi khou sedza Hischia we a dihudza, huno a wa nga u dihudza. Fhedzi mulanda, vhalanda Vhawe phanda Hawe, vha a hulisea, vha a ðitukufhadza, na kha nyito. Vhalanda vhawé, iyo ndi ndila ine vha tea u ambadzwa; vho ambara khuliso, u ðitukufhadza, nahone vha sa fhidzi malugana na mushumo wa Khotsi. Ee, muñe wanga. U hulisa, u ðitukufhadza, kha nyito.

<sup>173</sup> U tou fana na musadzi muþuku, ro amba nga ha vhuñwe vhusiku, tshisimani. Zwino, o vha e mbeu þukhu yo tiwaho i re mbiluni yawe, fhedzi, nga u þavhanya itsho Tshedza tsho taidza heneffho huno a vhona uri uyo o vha e Mesia, a zwe ngo mu dzhia tshifhinga tshilapfu u dzhena kha nyito. O vhuya a hangwa na

dzhomelo la madi e a vha e nalo tshandani tshawe. Iyo ndi ndila ye a dzhena kha nyito nga u ḥavhanya. O do tea u vhudza vhathu. O do tea u vhudza muñwe muthu-vho, ngauri o vha e na ngoho ya uri o wana Mesia. A dzhena mudini, huno nga u ḥavhanya a dzhena kha nyito, a tshi vhudza vhathu.

<sup>174</sup> Ho vha hu Petro, musi o rea khovhe vhusiku hothe, huno o dzula kha philiphili nga matsheloni ayo. Musi Yesu o hadzima gungwa lawe, huno a pwanyeledza zwiñuku u bva khunzikhunzini, huno a tshi khou rerela vhathu. Huno A ri kha Simoni, “Posela ho dzivhafhalaho, huno u tsitsele fhasi. Tsi tsela fhasi.”

<sup>175</sup> Zwo luga, Simoni a ri, “Ndi murei wa khovhe. Ndi—ndi a divha uri ñwedzi na zwiga zwi do vha zwo luga lini. Ndi a divha uri khovhe i khou gidima lini. Ndo—ndo bebelwa kha heli dzivha hafha. Ndo rea khovhe vhusiku hothe huno a tho ngo vhuya nda dzhia na dzheli. A tho ngo dzhia tshithu.” Ha pfi, “A hu na khovhe ngomu benefho. Fhedzi kha Ipfi Lau,” khezwo, “Ndi do tharamudza mambule.” Oo, inwi ni nga . . .

<sup>176</sup> Ri nga si kone u anganya izwi zwithu, inwi. Huno Mudzimu o fhira u anganya. Ni tea u Li tenda, ni a vhona. Mudzimu ha divhiwi nga ñdivho, hu si nga pfunzo. U divhiwa nga lutendo, na lutendo fhedzi.

<sup>177</sup> “Kha Ipfi Lau! Ndi a divha uri a hu na khovhe benefho. Fhedzi Ipfi Lau, arali Wo ri, ‘tsitsela fhasi, hu na khovhe benefho,’ U do ralo, lutendo lu do i vhea benefho. Ndi zwenezwo fhedzi. Ndi do tsitsela fhasi mbule.”

<sup>178</sup> Arali vhathu vho dzulaho hafha, vha no lwala huno—huno vha ḥoda thuso i bvaho ha Mudzimu, arali ni tshi ri, “Ndo no fhira kha muduba muñwe na muñwe wa thabelo, ndo—ndo ita tshiñwe na tshiñwe, fhedzi, kha Ipfi Lau, ndi khou ya u tsitsela fhasi mbule. Ndi khou da zwino, huno ndi khou ya u zwi ḥanganedza. Ndi a tenda uri ndi kha Vhuhone Hawe. Huno ndi . . .” Huno limuwani izwo, nga u ditukufhadza, na vhungoho na ḥonifho. Tsitsela fhasi mambule. Li fareni. Mudzimu o amba nga u ralo, huno izwo zwi ita nga u ralo!

<sup>179</sup> Huno ri a wanulusa, nga u ḥavhanya musi o ralo, e murei wa khovhe nahone a tshi divha zwe zwa vha zwi zwone u—u fasha kusedzele kwavhuđi kwa khovhe, huno o vha e munna a shayah, fhedzi nga u ḥavhanya a dzhena kha nyito musi Yesu o ri “u bva zwino ni do fara vhathu.” A zwo ngo mu dzhia tshifhinga tshilapfu. O diñukufhadza, a wela fhasi phanda ha Kristo, ha pfi, “N̄tutshele, Murena; ndi munna muvhi.” Ha pfi, “A—a—a thi tou kona u dzula Vhuhoneni Hau.”

<sup>180</sup> Zwenezwo zwithihi zwe Yesaya a ita. A ri, “Ndi munna wa milomo ya zwivhi, huno ndi dzula vhukati ha vhathu vhavhi.” Oo, o vha e kha nyimele-de nandi!

<sup>181</sup> Petro o amba zwenezwo zwithihi, huno a dītukufhadza, a tsela phasi kha tshifhatuwo tshawe huno a humbelā Murena uri a mu ḥutshele. A ri, “Ni songo ofha, Petro, u bva zwino u ya phanda ni khou yo fara vhanna.” Huno a dzhena kha nyito nga u ḥavhanya.

<sup>182</sup> Nga tshiňwe tshifhinga, ho vha hu na munna wa bofu we Yesu a mu fhodza. A zwo ngo mu dzhia tshifhinga tshilapfu u dzhena kha nyito; o dzhena kha nyito, a tshi phadaladza phungo Yawe huňwe na huňwe. Muňwe a ḫa a ri, “Mulandu, ndi nnyi o u fhodzaho?” ene tshifhe o ralo. A—a ralo, a mu vhudza We a mu fhodza.

<sup>183</sup> Tsha u thoma vha vhudzisa khotsi na mme. Huno mme vha ri... Zwo luga, zwino, vho vha vha tshi khou ofha, ngauri arali—arali muňwe muthu o bula Yesu, ngani, vho vha vha tshi khou ya u vha bvisa kha sinagogo. Huno vha zwi humisela murahu kha murwa wavho a ḥungufhadzaho. Vha ri, “U wa tshikhathi. Mu humbeleni.”

<sup>184</sup> Huno a ri, “Muňwe, Yesu wa Nazaretha, o mphodza.”

<sup>185</sup> A ri, “Mulandu, neani Mudzimu thendo!” Ha pfi, “Rine, ro ralo. A ri divhi tshithu nga ha uyu Yesu wa Nazaretha.” Ha pfi, “Ndi muitazwivhi. Ni songo Mu nea thendo; mu ḥeeni zwothe kha Mudzimu. Huno zwino a ri divhi hune A bva.”

<sup>186</sup> Zwo luga, uyu munna wa bofu o vha e na mbudziso yavhudzi nga maanda khavho. Huno a ri, “Ndi tshithu tshi kanukisaho nga maanda. Uri vhoiwi nothe ni vharangaphanda vha tshimuya ḥamusī, huno uyu Muthu a vula maṭo anga o populaho, huno ndo bebwa ndi bofu, huno naho zwo ralo a ni divhi hune A bva hone. Ni a vhona, zwino izwo ndi zwithu zwi so ngo ḥoweleafo.”

<sup>187</sup> Naa ndi nga amba zwenezwo zwithihi? Mudzimu onoyo we a fulufhedzisa u ḫa kha tshividzo Tshawe, nga ḫino ḫuvha ḫa u fhedzisela, huno a vha na phindulo. Uyo ane a ḥanganedza u na phindulo.

<sup>188</sup> Ha pfi, “Kana U muitazwivhi kana hai, ndi nga si kone u amba hezwo. Fhedzi tshithu tshithihi tshine nda ḫivha; he nda vhuya nda vha bofu, ndi a kona u vhona zwino.”

<sup>189</sup> Ndo vhuya nda vha muitazwivhi; ndo tshidzwa nga tshilidzi tsha Mudzimu. Ndi a zwi ḫivha uri tshiňwe tshithu tsho itea kha nne. Ndi...hu na tshiňwe tshithu tsho iteaho. Ni nga zwi vhidza “muvhumbuluwi-mukhethwa” kana ni nga zwi vhidza tshini na tshini tshine na tama u ralo, fhedzi Wo ntshidza, miňwaha ya furaru-mini yo fhiraho. Huno zwi vha khwine tshifhinga tshothe, ngauralo ndi—ndi a ḫiphina ngazwo.

Muňwe o ri, “No vha a pengaho.”

<sup>190</sup> Nda ri, “Zwo luga, zwenezwo nnditshe ndi ndothe. Ndi khwiňe ndo bva kha heyi ḫdila u fhira zwe nda vha ndi zwone nga iňwe ḫdila, ngauralo i ri ndi dzule nga ḫdila ine nda vha

ngayo. Ndi pfa ndi khwine nga iyi ndila, nahone ndi tshi ita zwa khwine. Ndi kona u ita two engedzeaho.” Ee, muñe wanga.

<sup>191</sup> O dzhena kha nyito nga u ḥavhanya. Ee, muñe wanga, o anđadza phungo Yawe huñwe na huñwe.

<sup>192</sup> Vhatu ngei Pentekoste, nga u ḥavhanya vha tshi tou vhona uri Mudzimu o vhulunga pfulufhedziso Yawe! Yesu o ri, “Vhonani, Ndi rumela pfulufhedziso,” Lunwalo, “pfulufhedziso ya Khotsi Anga kha inwi. Fhedzi ni lindele,” izwo ndi u *lindela*, “lindelani mudini wa Yerusalēma u swika ni tshi ambadzwa Maanđa a bvaho N̄tha.”

<sup>193</sup> Hu si muduba wa thabelo wa u thoma, kana lwa u tou thoma, fhedzi itanu dzula heneffo u swika zwi tshi itea, ni a vhona. “U swika,” hu si ḫuvha lithihi, mađuvha mavhili, kana miñwaha ya fumi, “u tou swika zwi tshi bvelela.” Dzulani u swikela!

<sup>194</sup> Huno musi vho no dala Muya Mukhethwa, vha dzhena kha nyito nga u ḥavhanya; nn̄da ngomu zwiṭaraṭāni, huno vha tshi khou zhamba, nahone vha tshi tshina, nāhōne vha tshi ḫifara sa vhatu vho kambiwaho, huno ndi tshi amba nga dzinwe ndimi, na u bvela phanda! Vho vha vhe kha nyito nga u ḥavhanya; zwenezwo vha tshi ḫitukufhadza, a dzhena ngomu huno a vala vothi, huno a lindela Ipfi la Mudzimu.

<sup>195</sup> Oo, zwe ra zwi vhona, dzikhonani! Ndi a divha uri tshifhinga tshi khou ṫuwesa huno a thi tsha ṫoda u n̄i fareledza. Fhedzi, sedzani! Zwe ra zwi vhona, kha—kha miñwaha i si gathi yo fhiraho, zwi tea u dzenisa muñwe na muñwe washu kha nyito. Zwi tea u ri dzenisa kha nyito. Mini? Tsha u thoma, ri ite vha ḫompho, vha ḫitukufhadzaho, na kha nyito. Huno lufuno lu tshi duga mbiluni dzashu, ri tshi lingedza zwine ra kona, u vhona shango lo xelaho. Huno ndi tshi vhona zwiga zwe Mudzimu... Na ngei fhasi, u ya nga hune nda divha, kha onoyo wa u fhedzisela ane Tshivhidzo tsha khou yo mu ṫanganedza mulilo u sa athu wa u tshi bva ṫadulu. Khavhu ya Mulilo yeneyo nthihi ye ya vhonwa ngei murahu sogani, onoyo Muthihi we a rwa Paulo Mukhethwa a wela fhasi, ndi ene Muthihi we a dzhiisa na tshifanyiso Tshawe, heneffha a tshi khou ita tshithu tshithihi tshe A ita heneffo, Mesia muthihi.

<sup>196</sup> Arali na dzenisa vhutshilo ha tsinde la fhuri kha muñokola wa bvani, u do an̄wa mafhuri. Arali na vheya vhutshilo ha mundirivhe kha wone—wone—wone muri wa vhulungu, u do an̄wa ndirivhe, ngauri ndi vhutshilo vhu re khawo.

<sup>197</sup> Huno arali izwi zwine ra zwi vhona nahone ra divha, vha zwigidi u mona na shango vha a Li divha, saintsyo tanziela Khalo, huñwe na huñwe, zwifanyiso zwi a dzhiwa. Zwi heneffha zwino. Izwo ndi ngoho, ngoho nga maanda. Zwi heneffha zwino! Huno arali U sa an̄wi lushaka luthihi lwa vhutshilo he Wa ita musi U kha muthu, Kristo Yesu, arali U sa iti zwenezwo zwithihi Tshivhidzoni Tshawe, zwenezwo two khakhea. Fhedzi arali I tshi

anwa vhutshilo honoho vhuthihi, i tea u vha yeneyo Khavhu ya Mulilo nthihi ye ya ranga phanda Israele. U khou ri isa kha Shango la Pfulufhedziso. “Nduni ya Khotsi Anga hu na madzulo manzhi,” pfulufhedziso ye A ri nea yone, huno I a ri ranga phanda heneffo. Huno ri a I vhona yo khwathisedzwa tshothe, Ipfi la Mudzimu lo vhonadzwaho. Tshihole tshi a tshimbila, madzingandevhe a pfa, mabofu a vhona, vhafu vha vuswa; mihumbulo ya mbilu i nga si kone u dzumbea, i a vhidzelwa nnda, mishumo yeneyo ye A ita. Naa ndi mini, muñwe munna? Ndi Messia! Ndi Messia, Mudzimu, Muya Mukhethwa, onoyo Muthihi. Izwo zwi tea u vheea...

<sup>198</sup> Tshivhidzo tsha Pentekostala, madzuloni a u lingedza u Tshi sasalandza, tshi tea u vha kha nyito, huñwe na huñwe, nga u diñukufhadza na lufuno, vha tshi khou lingedza u Zwi sumbedza kha vhathu vho xelaho nahone vha faho. Ri tea u Zwi ñhonifha. Ri tea u Mu funa. Diñukufhadzeni, kha ri dzike, huno ri vhe kha nyito u fana na zwine a vha Vhaserafe vho vha, nga u ñhonifha na u diñukufhadza. O khwathisedzwa nga ndila i pfalaho, o fulufhedzisela riñe mađuvhani a u fhedzisela, huno Ngoyu hafha! Ri a Tshi vhona. Yesu o amba nga u ralo, a ri Zwi ðo itea. Hafha Khetshi, phanda ha musi i tshi fhiswa. Itsho tshiga tsha u Da Hawe tshi sumbedza uri U Da hu tsini zwino. Zwi nga da tshifhinga tshiñwe na tshiñwe. A thi vhoni tshithu tsha u thithisa U Takulelwa Tađulu ha Tshivhidzo zwino.

<sup>199</sup> Zwo luga, luswayo, luswayo lwa lihvanda lu kha liñwe sia, elelwani. Ni a vhona, u humela murahu, hu dzhena ngomu sa tshivhidzo. Zwino imani, ndi, khañwe ndo amba tshiñwe tshithu. Iyo ndi ndila yanga ya u zwi vhona, ni a vhona. Huno sedzani.

<sup>200</sup> Ipfi nga ipfi, zwo no ñi khunyelela. Li tea u ri džhenisa kha nyito. Izwo ndi zwone kokotolo. Ri tea u vha ri tshi khou isa maya muñwe na muñwe wo xelaho, kha Muvhuso wa Mudzimu, une ra kona. Ngauri, liñwe la haya mađuvha ni khou ya u vha disa huno a zwi nga thusi tshithu. Vothi li do valwa, a hu tsha ðo vha na zwiñwe. Oo, vha nga nyanyuwa lwa muhumbulo, na u nyanyulea, na u tzhema, huno u fhufha n̄tha na fhasi, huno na vhila hezwi, ni a ñivha. Fhedzi musi musidzana o edelaho a tshi ða u renga Mapfura, na khathihi ho ngo A wana. Huno no vhuya na vhona tshifhinga, kha ñivhazwakale yoþe ya aya mađuvha a u fhedzisela, uri ho vhuya ha vha na tshifhinga tshe Vhaphuresibatherieni, Vhaluþere, tshiñwe na tshiñwe-vho, tshi khou lingedza u ða kha Mulaedza wa pentekoste? Naa Yesu o ri mini? “Musi vha tshi ða u renga, ho vha hu tshifhinga tshe Muselwa a dzhena ngomu,” musidzana wa vhuþali a dzhena. A vho ngo wana Mapfura. A vho ngo A wana. Ndi zwenezwo fhedzi. Izwo zwi ya nga Luñwalo.

<sup>201</sup> Huno ni vhona izwi zwiga na izwi zwiñwe zwithu, tshiñwe na tshiñwe tsho dzula heneffo nga oda ya u Da Hawe.

<sup>202</sup> Tshikhathi tsha vhusumbe, U a dzhena. Vhañwe vho edela nga tshikhathi tsha u thoma, tsha vhuvhili, tsha vhuraru, tsha vhuna, tsha vhuñanu. Huno nga tshikhathi tsha vhusumbe ha ða tshililo, “Vhonani, Muhwe u a ða!” Tshikhathi tsha vhusumbe tsha tshivhidzo, itsho ndi tshone tshikhathi, tshikhathi tshe tsha tshi sedza. Huno itshi ndi Tshikhathi tsha Tshivhidzo tsha Laodikea, vhufheloni hatsho. Amen. Oo, ndi... Ndi ngani ni sa ðo vuwa, vhoiñwi vhakhethwa vha Murena, ndi ngani ni tshi kumedza musi vhufhelo vhu tshi sendela?

<sup>203</sup> Fhedzi, elelwani, tshivhidzo kha Tshikhathi tsha Ladokia ndi u vha tshi dudelaho. A ri, “Ngauri ni amba uri no ‘pfuma,’ huno—huno no ‘ðala nga dzithundu.’” Huno ha pfi, “A u ðivhi uri u fhedzi, wo poñula, u mushai, u a ñungufhadza, nahone a u zwi ðivhi.” Ha pfi, “Ndi ðo u pfela mulomoni Wanga.”

<sup>204</sup> Huno ri hafha magumoni a zwithu zweþhe, magumo a ðivhazwakale, magumo a vhutshilotshedza. Ni nga vhona. Sedzani nnða tshitarañani.

<sup>205</sup> Ndo vha ndi tshi khou amba na mureili wa goloi, a tshi khou nnðisa. A ri, “Zwo luga, ndila i yoþhe ine ndi nga amba, musi ndi tshi vhona munna u mona hafha a tshi khou tambo sane, ndi a ðivha uri ndi mutsinda.” Ni a vhona? Zwino, ndi muñwe wa vha ñiraiva vha thekhisi o amba hezwo. Vha ri vha ðo... nðila.

<sup>206</sup> A zwi tou vha fhano fhedzi, fhedzi zwi huñwe na huñwe. Magumo a tshiñwe na tshiñwe; uri ndi tshituhu hani, vhanna, na tshaka dzoþhe dza zwithu zwivhi, na uri vha khou ita. Shango lo shandiwa. Sedzani nnða zvitarañani. Itonu zwi sedza, yawee, nñe nñe, huñwe na huñwe! Hu si kha la Amerika fhedzi; huñwe na huñwe, mulandu, ndi—ndi Sodoma wa musalauno.

<sup>207</sup> A hu na tshithu tshine tsha nga sala, fhedzi tsho fhisiwa. Huno, ndi zwenezwo fhedzi, tshi ðo ñanzwiwa. Mudzimu u ðo zwi ita. Milayo yawe i a zwi ðoda. Zwi tea u itwa nga iyo nðila. Musi ñanga la livhele lo tshila vhutshilo halo, li tea u tshinyadziwa. Musi luvha li tshi tshila vhutshilo halo nnða li tea u fa. Huno vhutshilotshedza ho tshila tshifhinga tshawo. Tshikhathi tsha tshivhidzo tsho tshi tshila. Dinomineisheni dzo tshi tshila.

<sup>208</sup> Itshi ndi tshifhinga tsha u ñangana. Hu na Lushaka lwo ñanganaho, tshivhidzo tsho vhumbanaho, na vhuditini ho ñanganaho. Naa ndi tshiga tsha mini? Kristo na Muselwa Wawe vha tshi khou ñangana. Izwo ndi zwine zwa vha zwone. Zweþhe ndi mirunzi na zwifanyiso. Tshiñwe na tshiñwe tshi ðoda u vha tsho ñanganyiswaho, ngauralo ndi tshiga. Kristo u khou lugisela u ñangana na Muselwa Wawe, Tshilalelo tsha Mutshato tshi tshi khou itea lutomboni, ngauralo zwi tea u posela tshivhidzo kha nyito musi ri tshi vhona zwiga zwa Tshawe hafha tsini. Yawee, nñe nñe! Zwithu hezwi zweþhe ndi zwiga kha riñe, huñwe na huñwe. Oo, ri tea u vha kha nyito!

<sup>209</sup> Rine, vhunga muporofita wa kale, Yesaya, ri vhona zwe vhanna vha dīhulisaho vha da khazwo. Ri vhona uri mini, aya madzangano a no takuwa huno a ri, "Zwo luga, ngauri a u weli kha rine, a u ho khazwo," ri vhona zwine zwa itea khavho. Naa vha xelewā nga mini? U tou fana na musi vho rwiwa nga mapele mavhi, nga u sa tenda, vha—vha xedza u fara havho kha Ipfi la Mudzimu. Vharwe vha a vha vhathu vha lingedza, vha a shandukisa, u xedza vhuimo ha Ipfi, nahone vha hu n̄ekedzela u itela milayo. Naa vha dīwanelani? Tshika ya mapele. Izwo ndi zwone.

<sup>210</sup> Vhunga Usia wa kale, a tshi khou lingedza u dzhia fhethu ha vhuimo ho doliswaho, huno a vha na tshithu nga nn̄da ha digirii ya vhudokotela, kana tshiñwe tshithu. Mudzimu ha khou ḥoda digirii ya vhudokotela; U khou ḥoda mbilu dza u dītukufhadza, muñwe muthu ane a do Mu tenda. Fhedzi ro dzhia vhanna na u vha funza kha vhabishopo na zwiñwe zwothe, vhakhadinala na vharwe vhanzhi, vho vha funza lwo edanaho u fara ofisi Khethwa nga pfunzo ya nama. Ri ḥoda ndovhedzo ya Muya Mukhethwa, u dzhia iyo ofisi. Muya Mukhethwa ndi Muundi washu. Ndi Ene ake a Dīdīvhisa vhukati hashu, tshiga tshā awara, mađuvha a u fhedza. Fhedzi riñe, vhunga Hiskia, o takulelwa n̄tha, vha tou elekanya uri vha nga dzhia mafhethu avho.

<sup>211</sup> Sedzani zwe mveledzwa dza bono ya ita kha muporofita. Zwino, o vha e muporofita. O vha e mudzio wa Ipfi la Murena u da khae. O nangiwa, a bebwa e muporofita. Mafhedziseloni a n̄ekedza vhutshilo hawe, a saiwa zwipida nga saha. Fhedzi ri wanulusa uri uyu muporofita muhulwane, musi a tshi vhona ili bono li bvaho Tađulu, huno a vhona nzudzanyo, nga ndila ye Mudzimu a vha a tshi khou lugisa vhanna Vhawe, mulandu, zwo itisa muporofita uri a bule zwauri o vha e mutiazwivhi.

<sup>212</sup> Huno ri ḥoda u vha vhahulu nga maanda, nahone ra ambara luñwe lushaka lwa kholoro khulu yo moniswaho, luñwe lushaka lwa zwiambaro, ni a divha, izwo zwi ri ita uri ri vphonale ri vhakhethwa nga maanda nahone ro dzika. A hu na vhukhethwa kha riñe. Ri nga si vhe vhakhethwa; vhukhethwa ndi ha Mudzimu. Ni a vhona? Zwa vhukuma. A si tshivhidzo tshikhethwa, a si thavha khethwa; ndi Mudzimu mukhethwa. Izwo ndi zwone. Hu si vhathu vhakhethwa; Mudzimu mukhethwa! Ndi Mudzimu kha vhathu. Petro o amba nga ha Thavha ya Phenyiso, "thavha khethwa," zwo amba uri Mudzimu mukhethwa o vha e thavhani. Zwi sedzeni zwino, ni a vhona. Fhedzi ho vha hu Mudzimu mukhethwa henefho, Vhuhone ha Mudzimu, we a vhu ita vhukhethwa.

<sup>213</sup> Ndi Vhuhone ha Mudzimu vhukati hashu zwino vhu no disa vhukhethwa, hu si vhukhethwa hanga, hu si hanu, fhedzi vhukhethwa Hawe. Vhuhone Hawe ndi hone hune ha disa vhukhethwa. Ri tea u dītukufhadza, ra difukedza nga khuliso, u

ditukufhadza, huno vha ri, “Murena Yesu, n̄anganedze ngomu ha Muvhuso Wau.” Vhukhethwa hawe, hu si hashu. Muya Mukhethwa!

<sup>214</sup> Muporofita o bula, a mu ita uri a ri, “Ndi munna wa milomo i songo kunaho.” Muporofita! Mudzimu, ri ḥoda linwe bono lo raloho! Musi a tshi vhona ngei n̄tha, ene . . . o vhona aya Maanda a u ḥanzwa a Mudzimu.

<sup>215</sup> Zwino sedzani uri Mudzimu o ita hani. O rumela muňwe wa Vhaserafe huno a dzhia lumano, a bvisa malasha a fhisaho kha alitari huno a a vhea zwandani Zwawe, a da a vhea ḥohoh ya Yesaya murahu huno a kwama milomo yawe, a ri, “Vhutshinyi hau ho ḥuwa.”

<sup>216</sup> Zwenezwo Yesaya o guda inwe ngudo. Ndi nga di posela iyi ngomu. Zwi nga di si vhe zwo teaho nga maanda, fhedzi ndi a tenda uri zwo ralo. Naa no dzhiela nzhele, Mudzimu u ḥanzwa vhaporofita Vhawe nga Mulilo, hu si nga theolodzhi kana bugu ya luňwe lushaka. Ni a vhona? U kunakisa vhatu Vhawe nga Mulilo, Muya Mukhethwa na Mulilo; hu si nga u ḫivha ha dzindaela, kana dzibugu kana tshiňwe tshithu tshine na tea u tshi guda, tshiyhalonyana tsha thabelo, na zwiňwe-vho. U vha kunakisa nga Mulilo kha alitari. Iyo ndi ndila ine A mu dzudza kha nzudzanyo. Ina. Ee, muňe wanga. Iyo ndi ndila ye A ḥanzwa vhaporofita Vhawe ngei mathomoni, musi vha ḫana na mahumi mavhili vho vha vhe lufherani lwa n̄tha, wone Muya Mukhethwa wa tsa, huno dzindimi dza Mulilo dza dzula khavho. Vho vha vho ḥanzwiwa na u lugela tshumelo. Iyo ndi ndila ine Mudzimu a kunakisa. A si nga u guda, u wana digirii Thukhu ya Athikili, kana DD., Ph.D.; fhedzi vha tshi wana Mulilo Mukhethwa u bva Ṭadulu, u bvisa mazwifhi kha milomo yanu, na u bvisa zwa ḫama kha inwi, a fhisai izwo zwithu, iyo tshika ya—ya shango, huno a vhea Vhuhone Hawe ngomu henehfo huno a tshila nga kha uyo muthu. Mulilo Mukhethwa ndi wone une Mudzimu a kunakisa Tshiyhidzo Tshawe ngawo. Yesaya o guda hezwo. Ri tea u zwi guda, zwauri Mudzimu ha ditangeni nga ndivho. U kunakisa nga Mulilo.

<sup>217</sup> Ni a vhona uri u hani, muporofita o dzula nga ngona. Zwino O ḥanzwa milomo yawe, a ḥusa vhutshinyi hawe. Zwenezwo nga murahu ha musi o no, a bula, a ditukufhadza, a ri, “Ndi munna wa milomo i songo kunaho,” musi a tshi vhona Vhuhone ha Mudzimu.

<sup>218</sup> Naa ni a ntevhela? [Tshiyhidzo tshi ri, “Amen.”—Mudz.] Naa ri itani, naa ri ḫivha mini zwa zwino? Ri kha Vhuhone ha Mudzimu. Ndi zwone. Zwino ro dzula henehfa. Naa ni . . . A ri koni u zwi pfectesa, fhedzi zwino ri Vhuhone ha Mudzimu, ri tshi vhona Mudzimu. Naa ni a tenda uri U fhano? Zwa vhukuma, U fhano. Ri . . . [A hu na tshithu kha theiphi.]

<sup>219</sup> Ndi murathu waṇu. Fhedzi O ri, “Mishumo ine Nda ita, naa U do . . . ni a ita-vho.” Naa izwo ndi zwe A amba? Zwo luga. Arali A fhano, Muya Wawe u fhano. Ndi zwone zwine zwa Mu ita. Zwenezwo arali ri tshi nga ḥikumeda riñe vhaṇe huno ra bvisa mihumbulo yashu. U tou fana na musi *izwi* zwi si na mihumbulo, zwenezwo liñwe ipfi li nga amba nga khazwo. Iyo ndi ndila. Arali ri tshi nga ḥishulula. Ngetsho tshiphiri, dilugiseni! Zwenezwo Mudzimu u wana . . . Sundani kuelekanyele kwa inwi munę. Laṭani ndila dzanu, huno zwenezwo ni tendele Mudzimu u suđzuluwa. Arali Å Yesu Kristo, a sa shanduki mulovha, ḥamusi na lini na lini, ni a zwi tenda? Ni a Mu tenda zwino huno na vhonā arali zwi zwone.

<sup>220</sup> Ndo vha ndi tshi khou sedza uyu muthu muṭuku o dzulaho hafha, henefha phanda hanga. A ni na garaṭa ya thabelo. Inwi, arali Mudzimu a tshi ḥo mmbudza zwe na ḥela zwone henefho, ni a zwi tenda? Ndi thaidzo ya tshimuya, no vhofhekanywa tshoṭhe huno a ni ḥivhi zwine na tea u ita. Arali izwo zwi zwone, imisani tshanda tshaṇu. Zwo luga, zwoṭhe zwo fhela. Dzhiani Ipfi, zwe nda amba, huno zwo fhela tshoṭhe.

Naa izwo ni a zwi tenda?

<sup>221</sup> Uyo mufumakadzi wa mukhaladi o dzulaho murahu afho, o mu lavhelesa; u na thaidzo ya mbilu. Naa ni a tenda uri Mudzimu u do ni fhodza? Zwo tou ralo. Ni a tenda? [Khaladzi ur, “Amen.”—Mudz.] Zwo luga, ni nga vha na phodzo yaṇu.

Naa ni a tenda uri Ha shanduki mulovha na . . .

<sup>222</sup> Uyo munna, uyo munna mutshena o imisa tshanda tshawe, naa ni a ntenda uri ndi muporofita wa Mudzimu, mulanda Wawe? A thi ni ḥivhi. Ni mutsinda kha nne. Ni na garaṭa ya thabelo kana tshiñwe tshithu? Ni tou vha munna o dzulaho hafha. Zwo luga, munę wanga, ni na tshizwimbo mukuloni waṇu. Izwo ndi zwone. Naa izwo ndi zwone? Naa ni a ntenda uri ndi muporofita Wawe? Ni a ntenda nga mbilu yaṇu yoṭhe? Ni na muñwe, ni na muhwalo mbiluni yaṇu. U ḥodou vha musidzanyana, muđuhulu waṇu. U na tshanda tsho vhifhaho. Izwo ndi zwone. Naa izwo ndi ngoho? Hu na ḥhanganyo yavhudzi. Lwa muniti fhedzi. A ni bvi fhano. Ni bva ngei Connecticut. Huno dzina ḥanu ndi Wilson. Dzina ḥanu ḥa u thoma ndi Art. Art Wilson. Izwo ndi zwone kokotolo. Naa izwo ndi ngoho?

Naa ni a zwi tenda? Ndi zwone!

<sup>223</sup> Hu na mufumakadzi o dzulaho murahu henefha, mufumakadzi wa mukhaladi, zwi vhonala u nga u na tshiñwe tshithu tshe tsha vha na badzhi ya tshitopana, ee, vhudala. U khou rabela. U na garaṭa ya thabelo? [Khaladzi ur, “A thi ḥodi na nthihi.”—Mudz.] A ni na garaṭa ya thabelo? A ni nayo. Ni ntenda uri ndi mulanda Wawe? Ndi mutsinda tshoṭhe-tshoṭhe. Ri tshaka mbili dza vhathu. Inwi, fhedzi ni khou rabela. Ndi inwi. Ee. Naa ni a tenda uri Mudzimu a nga mmbudza vhuleme

hanu? Ni na tshizwimbo. Izwo ndi zwone. Ni na tshiñwe tshithu mbiluni yanu, na inwi-vho. Ni khou rabela. Ndi khonani, u na thaidzo ya tswio. Arali izwo zwi zwone, imisani tshanda tshañu. Zwo luga. Zwino ni nga vha na khumbelo yanu.

<sup>224</sup> Ndi itela lutendo lwanu khaedu! Naa ndi mini? Musi muporofita a tshi vhona uri o vha e Vhuhoneni ha Mudzimu, o ditukufhadza. Sedzani, tsha u thoma o ditukufhadza, zwenezwo Mulilo wa mu kunakisa. Huno nga murahu ha musi Mulilo wo mu ḥanzwa, zwenezwo a mbo vha Yesaya o kunakiswaho. Musi o pfa Ipfi la Mudzimu, lo ri, “Naa ndi nnyi a no do ya kha Nne?” a dzhena kha nyito, “Ndi fhano, nthume.” Yawee, nnenñe!

Musi simbe la Mulilo lo no kwama muporofita,  
Li tshi mu kunakisa lwa u kuna tshothe,  
Musi Ipfi la Mudzimu lo ri, “Naa ndi nnyi a no  
do ri yela?”  
Zwenezwo a fhindula, “Muñe, ndi fhano,  
nthume.”

<sup>225</sup> Amen. Iyo yo vha i mbidzo ya Yesaya o kunaho, nga murahu ha musi Muya Mukhethwa wo no mu kunakisa. Ha ngo ḥoda tshenzhemo tsha seminari, ha ngo ḥoda iñwe tshenzhemo tsha bugu. O ḥanzwiha nga Mulilo wa Mudzimu, huno a vhidzelwa kha nyito. Naa ho vha hu mini? Musi o vhona Mudzimu e kha nyito, a dzhena kha nyito.

<sup>226</sup> Ri vhona Mudzimu e kha nyito. Ndi tshifhinga tsha uri tshivhidzo tshi dzhene kha nyito huno tsha vha dzitsumbo dza zwine Mudzimu a vha zwone. Naa izwo ni a zwi tenda? Ndi vhangana vhane vha ḥoda u bula vhukhakhi hanu hothe na tshiñwe na tshiñwe zwino, huno vha ri, “Mudzimu, nñanzwe”?

Fhodza muthannga.

<sup>227</sup> (*Musi Simbe la Mulilo Lo No Kwama Muporofita.*) Kha ri ime nga milenzhe yashu. Ndi do ima henehfa, tshifhinga tshi khou tuwesa. Tendani nga mbilu yanu yothe zwino.

<sup>228</sup> Ndi ḥoda ni tshi kotamisa zwifhañuwo zwanu. Elelwani, nga murahu ha musi o vhona Mudzimu! Khezwo hafhu. Amen. Zwino tshiñwe na tshiñwe tshi nga bvelela. Tshiñwe na tshiñwe tshi nga bvelela.

Musi simbe la Mulilo lo no kwama muporofita,  
Li tshi mu kunakisa lwa u kuna tshothe,  
Musi Ipfi la Mudzimu lo ri, “Naa ndi nnyi a no  
do ri yela?”  
Zwenezwo a fhindula, Ndi hone fhano,  
nthume.

Amba, Murena wanga . . .

Imisani zwanda zwanu zwino.

. . . oo, amba, Murena wanga,  
 Amba, huno ndi ḋo ṭavhanya u U fhindula;  
 Amba, Murena wanga, amba, Murena wanga,  
 Amba, huno ndi ḋo fhindula, “Murena,  
 nthume.”

Oo, vha dzimilioni zwino tshivhini na kha  
 thoni vha khou fa, (Lavhelesani zwifaraṭani  
 zwanu.)

Oo, ḥetshesani tshililo tshavho tshi  
 ṭungufhadzaho nahone tshi vhavhaho;  
 Oo, ṭavhanya, mukomana, ṭavhanyani u vha  
 lamukisa;  
 Fhindulani nga u ṭavhanya, “Muñe, ndi fhano.”  
 Amba, Murena wanga . . .

Zwi ambeni zwa vhukuma zwino.

. . . amba, Murena wanga,  
 Amba, huno ndi ḋo ṭavhanya u U fhindula;  
 Amba, Murena wanga, amba, Murena wanga,  
 Amba, huno ndi ḋo fhindula, “Murena,  
 nthume.”

<sup>229</sup> Kha ri vhee zwanda zwashu kha mbilu dzashu, musi ri tshi  
 khou ᱥuhuna. Bulani, ni ri, “Murena, ndi munna wa milomo i  
 songo kunaho. Ndi musadzi wa milomo i songo kunaho.” Kha  
 ri vhe na u bula ha vhukuma, ri ḋo vha na mvuseledzo ya  
 vhukuma. U thoma ra ḥanzwiwa. Sedzani, muporofita o ḋo tea u  
 thoma a ḥanzwiwa. Mulilo wo mu kwama, zwenezwo o vha e kha  
 nyito. “Murena, mphe mafulufulu mbiluni yanga. Vheya tshiñwe  
 tshithu ngomu hanga tshire a thi natsho, Murena. Vheani lufuno  
 Lwau na Mulilo kha nñe, zwenezwo nthume.” Zwino qibulani,  
 tendani Mudzimu nga mbilu yanu yothe.

Amba, Murena wanga, amba, Murena wanga,  
 Oo, amba, huno ndi ḋo U fhindula nga u  
 ṭavhanya;  
 Amba, Murena wanga, amba, Murena wanga,  
 Amba, huno ndi ḋo fhindula, “Murena,  
 nthume.”

[Mukomana Branham u ya ᱥuna—Mudz.]

Li tshi mu ita o kunaho sa ane a nga kuna,  
 Musi Ipfi la Mudzimu lo ri, “Naa ndi nnyi a no  
 do ri yela?”

Zwenezwo a fhindula, “Muñe, hafha, nthume.”

Amba . . .

<sup>230</sup> Zwino tendelani Mudzimu a ambe na mbilu yanu zwino; nga  
 u diṭukufhadza vhukuma, zwavhuđi, nga khuliso kha Vhuhone  
 Hawe. Muitazwihi muñwe na muñwe, mukhethwa muñwe na  
 muñwe, hezwi ndi zwashu rothe. Ndi zwanga. Ndi zwa vhothe.

Hafha ndi Vhuhone Hawe, U fhano zwe A amba uri U do ita. Tshiga tshe A ri ri do tshi wana, ngoyu U hone. Musi muzika u tshi khou lidza lu diphaho, kha ri tou bu la vhukhakhi hashu. “A thi tshithu, naho zwo ralo, Murena. Amba na mbilu yanga. Ntanzwe u thoma, Murena. Rumela Muya Mukhethwa huno u nkunakise. Ndi a divha uri ndi Vhuhoneni Hau. Ndi a U vhona sa zwe Yesaya a U vhona, u tshi sudzuluwa. Fhethu ho dala, hu si vhutsi zwino, ho dala Tshedza, tsho dalaho Vhugala.”

<sup>231</sup> Oo Murena Mudzimu, Musiki wa maṭadulu na lifhasi, vhunga izwi zwi kha thalukanyo dzashu, ri vhona zwine zwa bvelela kha vhathu vho takulelwaho nthā. Vhothe vho vha vhe dzitsumbo kha rine. Ri vhona zwine u dītukufhadza na thabelo, kha vho tshidzwaho, zwa amba.

<sup>232</sup> Ndi a rabela, Khotsi wa Taḍulu, zwino u itela avha vhathetshelesi na nne muñe. Murena, dzhia kha nne tshinwe na tshinwe tshire tsha sa fane na Iwe. Ndi—ndi—ndi ṭoda U tshi tshila kha Nne, Murena. Ndi ṭoda Muya Wau na—na u pfiwa kha zwothe. Ndi ṭoda U tshi tshila tshothe-tshothe kha nne, uri a thi tsha vha nne muñe, uri ndi—ndi tou tshimbila huno nda amba nahone nda tshila ngomu Hau. Zwi tendele, Murena. Ndi fhano. Ntanzwe, Murena. Tanzwa itshi tshivhidzo. Ri tanzwe rothe, fhethu huthihi. Dzhia vhulwadze, dzhia tshivhi, dzhia u sa tenda, dzhia u sa tenda-tenda, zwi bvise zwothe. I ri ni Muya Mukhethwa u de zwinga na malasha a Mulilo a bvaho kha Alitari, thase ntswa ya pentekoste, huno u kunakise mbilu inwe na inwe ngomu hafha. Ri dzhie, Murena. Ri Vhau. Ri a U tenda. Zwi tendele, Khotsi.

...amba, Murena wanga,  
Amber, huno ndi do fhindula, “Murena,  
nthume.”

<sup>233</sup> Vhothe vha no ṭoda, na lufuno, huno vho nekedza matshilo anu kha Kristo, nga huswa, zwa zwino, huno ni tshi ṭoda u dīkumeda Vhuhoneni Hawe!

<sup>234</sup> Arali nda thoma u vhidza zwe nda vhona, ndo vha ndi tshi do ... zwi do dzhia muñwe na muñwe ngomu hafha, ndi a tenda, zwino. Ndi a u divha. U a divha uri ndo vha ndi nga si ime hafha huno nda ri ene muñinda wa Kristo nga nnda Hatsho huiwe na huiwe. Ni kha nyimele zwino u thoma pentekoste ntswa. Ndi ngoho, dzikhonani.

<sup>235</sup> Itanu dītukufhadza. Fukedzani tshifhaṭuwo tshanu, ni thivhedza milenzhe yanu, ni tou sendela tsini Nae. Kwatamani huno ni ite u dībula hanu, huno ni tende. Ni a ṭoda u ita izwo? Arali ni tshi ralo, itonu imisa zwanda zwanu, musi ri tshi imba Amba, Murena Wanga.

Amber, Murena wanga . . .

Rabelani zwino.

...amba, Murena wanga,  
Ambe, huno ndi do ḥavhanya u U fhindula;  
Oo, amba, Murena wanga, amba, Murena  
wanga...



*THUTHUWEDZO* TSV63-1114  
(Influence)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga madekwana a Ləvhuṇa, Lara 14, 1963, ngei Marc Ballroom fhaṭa New York, New York, U.S.A., wo dzhiwa kha rekhodo ya theiphi ya imaginete huno wa gaṇḍiswa u songo pfufhifhadzwa nga Tshiisimane. Heyi ḫhalutshedzo ya Tshivenda yo gaṇḍiswa huno ya phaḍaladzwa nga vha Voice Of God Recordings.

TSHIVENDA

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ñwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)